



東坡續集卷第三

和陶詩

追和陶淵明詩引子由作

東坡先生謫居儋耳賓家羅浮之下獨與幼子

過負擔度海葺茅竹而居之日啣諸芋而華屋

玉食之念不存於胸中平生無所嗜好以圖史

為園囿文章為鼓吹至是亦皆罷去獨猶喜為

詩精深華妙不見老人衰憊之氣是時轍亦遷

海康書來告曰古之詩人有擬古之作矣未有

追和古人者也追和古人則始於吾吾於詩人



無所甚好獨好淵明之詩淵明作詩不多然其詩質而實綺靡而實腴自曹劉鮑謝李杜諸人皆莫及也吾前後和其詩凡一百有九篇至其得意自謂不甚愧淵明今將集而併錄之以遺後之君子其為我志之然吾於淵明豈獨好其詩也哉如其為人實有感焉淵明臨終疏告儼等吾少而窮苦每以家弊東西游走性剛才拙與物多忤自量為已必貽俗患龜勉辭世使汝等幼而飢寒淵明此語蓋實錄也吾真有此病而不早自知半生出仕以犯世患此所以深愧

淵明欲以晚節師範其萬一也嗟乎淵明不肯為五斗米一束帶見鄉里小兒而子瞻出仕三十餘年為獄吏所折困終不能悛以陷大難乃欲以桑榆之末景自託於淵明其誰肯信之雖然子瞻之仕其出處進退猶可攷也後之君子其必有以處之矣孔子曰述而不作信而好古竊比於我老彭孟子曰曾子與子思同道區區之迹蓋未足以論士也轍少而無師子瞻既冠而學成先君命轍師焉子瞻嘗稱轍詩有古人之風自以為不若也然自其斥居東坡其學日

進沛然如川之方至其詩比李太白杜子美有
餘遂與淵明比轍雖馳驟後之而常出其後其
和淵明輟繼之者亦一二焉丁丑十二月海康
城南東齋引

和時運

丁丑二月十四日白鶴峯新居成自嘉祐寺遷
入詠淵明時運詩云斯晨斯夕言息其廬似為
余發也乃次其韻長子邁與余別三年笑挈携
諸孫萬里遠至老朽憂患之餘不能無欣然
我下我居居非一朝龜不吾欺食此江郊廢井已寒

齋來干霄昔人伊何誰其齋苗下有碧潭可飲可
泣山千里供我遐馮木固無脛瓦豈有足陶匠自
嘯歌相樂我視此邦如洙如沂邦人勸我老矣安歸
自我幽獨倚門或揮豈無親友雲散莫追旦朝丁
誰款我廬子孫遠至笑語紛如翦髮垂髻一作翦髮覆
此瓠壺三年一夢乃復見余

和勸農

海南多荒田俗以質香為業所產杭稌不足於
食乃以諸時諸芋雜米作粥糜以取飽余既哀
之乃和淵明勸農詩以告其有知者

咨爾漢黎均是一民鄙夷不訓夫豈其真怨忿劫質
尋戈相因欺謾莫訴曲自我人天禍爾土不麥不稷
民無用物怪环是殖播厥薰木腐餘是穡貪夫汚吏
鷹鷂狼食豈無良田膻膻平陸獸踐交締鳥喙諧穆
鷲鷹朝射猛豨夜逐芋羹藜藿以飽耆宿聽我苦言
其福永久利爾鋤耜好爾鄰偶斬艾蓬藿南東其畝
父兄搢挺以扶游手天不假易亦不汝置春無遺勤
秋有厚奠雲舉前决婦姑畢至我良孝愛袒跣何愧
逸諺戲侮博奕頑鄙投之生黎俾勿冠履霜降稻實
千箱一軌犬作爾社一醉醇美

和停雲

自立冬以來風雨無虛日海道斷絕不得子由
書乃和淵明停雲詩以寄

停雲在空黯其將雨嗟我懷人道脩且阻眷此區區
挽御舟撫良辰過鳥逝不我佇颺作海潭天水溟濛
雲屯九河雪立三江我不出門寤寐北窓念彼海康
神地儼然清癯落其驕榮覬莫化之廟兮志情
摧然斧柯再斲蘭亭默數永和夢幻去來誰多彈指
太息浮雲幾何

和歸田園居六首

三月四日游白水山佛迹巖沐浴于湯泉晞髮
于懸瀑之下浩歌而歸肩輿却行以與客言不
覺至水北荔坡浦上晚日葱隴竹陰蕭然時荔
子纍纍如焚實美有父老八十五指以告余曰
及是可食公能携酒來游乎意忻然許之歸卧
既覺聞兒子過誦淵明歸園田居詩六首乃悉
次其韻始余在廣陵和淵明飲酒二十首今復
為此安當盡和其詩乃已耳今書以寄妙摠大
士參寥子

環州多白水際海皆蒼山以彼無盡景寓我有限年
東家著孔丘西家著顏淵市爲不二價農爲不爭田
周公與管蔡恨不茅三問我飽一飯之薇蕨補食前
門生餽薪米救我厨無煙斗酒與隻鷄酣歌餞華顛
禽魚豈知道我造物自閑悠悠未必爾聊樂我所然
窮猿既投林疲馬初解鞅心空飽新得境熟蕙餘想
江鷗漸馴集蛋叟已還往南池綠錢生北嶺紫筍長
提壺豈解飲好語時見廣春江有佳句我醉墮渺莽
新浴覺身輕新沐感髮稀風乎懸瀑下却行詠而歸
仰觀江搖山俯見月在衣步後父老語有約吾敢違

老人八十餘不識城市娛造物偶遺漏同儕盡丘墟
平生不渡江水北有幽居手插荔枝子合抱三百株
莫言陳家紫茸冷恐不如君來坐樹下飽食携其餘
歸舍遺兒子懷抱不可虛有酒持飲我不問錢有無
坐倚朱藤杖行歌紫芝曲不逢嵩山翁見此野老足
願同荔枝社長作雞黍局教我同光塵月固不勝燭
霜飈散氛侵廓然似朝旭莊子云月固不勝火謂象
哉斯言也余為更之曰明於大者必晦於小月能燭
天地而不能燭毫釐此其所以不勝火也然卒之六
勝勝耶

昔或在廣陵帳望紫桑陌長吟飲酒詩頗獲一笑

書時已放浪朝坐夕不夕矧今長閑人一切展過隙
江山互隱見出沒為我役斜川追淵明東臯友王續
詩成竟何為六博本無益

五月旦日作和戴主簿

海南無冬夏安知歲將窮時時小搖落榮瘁倏如中
上天信包荒佳植無由豐鉏耨代肅殺有擇非霜風
手栽蘭與菊侑我清宴終擷芳眼已明飲酒腹尚中
草去土自墮井深墻愈隘勿笑一畝園蟻垤齊衡嵩

酬劉紫桑

紅萼與紫芋遠插墻四周且放幽蘭春莫爭霜菊秋

窮冬出塞益磊落勝農疇淇上白玉延淇上出山藥一名玉延
能復過此不一飽忘故山不思馬少游

與殷晉安別和送昌化軍使張中罷官赴

孤生知永棄末路嗟長勤久安僂耳陋日與雕題親
海國此奇上官居我東鄰邠酒無虛日夜基有達晨
小甕多自釀一瓢時見分仍將對床夢伴我五更春
暫聚水上萍忽散風中雲恐無再見日笑談來生因
空吟清詩送不救歸裝貧

和王撫軍座送客再送張中

胸中有佳處海瘴不能腓三年無所愧口今同歸

書莫相憐我生本無依相從大塊中幾合幾分
莫作往來相而生愛見悲悠悠含山日炯炯留清輝
懸知冬夜長不恨晨光遲夢中無與別作詩記忘遺

和荅龐參軍三送張中

留燈坐達曉要與影晤言下帷對古人何暇復窺園
使君本學武少誦十三篇頗能口擊賊戈戟亦森然
才智誰不如功名嘆無緣獨來向我說憤懣當奚宣
一見勝石聞往塵皋蘭山白衣挾三矢趣此征遼年

形贈影

天地有常運日月無閑時孰居無事中作止推行之

細察我與汝相因以成茲忽然乘物化豈與生成期
夢時我方寂偃然無所思胡爲有哀樂輒復隨漣
我舞汝凌亂相應不少疑還將醉時語答我夢中辭

影答形

丹青寫君容常恐畫師拙我依月燈出相肖兩奇絕
妍媸本在君我豈相媚悅君如火上煙火盡君乃別
我如鏡中像鏡壞我不滅雖去附陰晴了不受寒熱
無心但因物萬變豈有竭醉醒比日夢爾未用議優劣

神釋

三事本無我其初因物著豈惟老變衰念念不知

非金石安足長託附莫後老君言亦莫用佛語
仙山與佛國終恐無是處甚欲隨陶翁移家酒中佳
醉醒要有盡未易逃諸數平生逐兒戲處處餘作具
所至人聚觀指日生毀譽如今一弄火好惡都焚去
既無負載勞又無寇攘懼仲尼晚乃覺天下何思慮

怨詩楚調示龐主簿鄧治中

當歡有餘樂在戚亦頽然淵明得此理安處故有年
嗟我與先生所賦良奇偏人間少宜適惟有歸耘田
我昔墮軒冕毫釐真市墨困來卧重榻憂愧自不眠
如今破茅屋一夕或三遷風雨睡不知黃葉滿枕前

寧當出怨句慘慘如孤煙但恨不早悟猶推淵明賢

九日閑居

明日重九雨甚展轉不能寐起坐索酒和淵明
一篇醉熟昏然殆不能佳也

九日獨何日欣然睚平生四時靡不佳樂此古所名
龍山憶孟子栗里懷淵明鮮鮮霜菊艷溜溜糟床
澗居知令節樂事滿餘齡登高望雲海醉覺三山傾
長歌振履商起舞帶索榮坎軻識天意淹留見人情
但願飽秬稌年年樂秋成

和移居二首

余去歲三月自水東嘉祐寺遷居合江樓迨今
一年多病寡歡頗懷水東之樂也得歸善縣後
隙地數畝父老云古白鶴觀也意欣然欲居之

乃和此詩

昔我初來時水東有幽宅晨與烏鵲朝暮與牛羊多
誰令遷近市日有造請役歌呼雜間巷鼓角鳴枕席
出門無所詣樂事非宿昔病瘦獨弥年東薪誰與析
洄潭轉碕岨我作江郊詩今為一壘氓此地乃得之
葺為無邪齋思我無所思古觀廢已久白鶴歸何時
我豈丁令威千歲復還茲江山朝福地古人不吾欺

東坡續集卷之三
九
歲暮作和張常侍

十二月二十五日酒盡取米欲釀米亦竭時吳遠游陸道士客於余因讀淵明歲暮和張常侍亦以無酒為歎乃用其韻贈二子

我生有天祿玄膺流玉泉何事陶彭澤之酒每形言
仙人與道士自養豈在繁但使荆棘除不憂梨棗愆
我年六十一頽景薄西山歲暮似有得稍覺散亡還
有如千丈松常苦弱蔓纏養我歲寒枝會有解脫年
米盡初不知但怪飢鼠遺二子真我客不醉亦陶然

和郭主簿二首

清明日聞過誦書聲訪閑美感念少時悵然
懷先君言師之遺意且念淮德二幼孫無以自
遣乃和淵明二篇隨意所寓無復倫次也

今日復何日高槐布初陰良辰非虛名清和盈我襟
孺子卷書坐誦詩如鼓琴却念四十年玉顏如汝今
閉戶未嘗出出為鄰里欽家世事酌古百史手自斟
當年二老人喜我作此音淮德入我夢角羈未勝簪
孺子笑問我君何念之深

雀鷺含淳音竹萌抱靜節
賦詩失其全首誦我先君
詩肝肺為澄澈猶為鳴鶴和未作獲麟絕願因騎鯨

李追此御風列丈夫貴出世功名豈人傑家書三萬
卷獨取服食訣地行即空飛何必挾日月

示周緣祖謝和游城東學舍作

聞有古學舍竊懷淵明欣攝衣造兩塾窺戶無一人
邦風方祀夷廟貌猶殷因先生饌已缺弟子散莫臻
忍飢坐談道嗟我亦晚聞永言百世祀未補平生勤
今此復何國豈與陳蔡隣永愧虞仲翔弦歌滄海濱

和荅龐參軍

周循州彥質在郡二年書問無虛日罷過惠
為余留半月既別和此詩送之

我見異人且得異書挾書從人何適不娛羅浮之趾

卜我新居而非玄德三顧我廬旨酒荔蕉絕甘分珍

雖云晚接數面自親海隅一笑豈云無人無酒酷我

或乞其隣將行復止眷言孜孜苟有于中傾倒出之

奕奕千言粲馬陳詩觴行筆落了不容思非妙侍側

兩髦下分歌舞壽我永為歡欣曲終悽然仰視浮雲

此曲此轂何時復聞擊鼓其鏗船開鱗鳴顧我而言

兩泣載零子矧白看當還西京遼東萬里亦歸管寧

感予至意託辭西風吾生一塵寓形空中願言謙亨

君子有終功名在子何異我躬

和連兩獨飲二首

吾謫海南盡賣酒器以供衣食獨有一荷葉盃
工製美妙留以自娛乃和淵明連兩獨飲

平生我與我舉意輒相然豈止磁石鍼雖合猶有聞
此外一子由出處同偏僊晚景最可惜分飛海南天
糾纏一作纏不吾欺寧此憂患先顧影一盃酒誰謂無
往還寄語海北人今日為何年醉裡有獨覺夢中
無雜言

阿堵不解醉誰歎此類然誤入無功鄉掉臂嵇阮間
飲中八仙人與我俱得僊淵明豈知道醉語忽談

偶見此物真遂趨天地先醉醒可還酒此覺無所還
清風洗徂暑連雨催豐年床頭伯雅君此子可與言

和贈羊長史

得鄭會嘉靖老書欲於海舶載書千餘卷見借
因讀淵明贈羊長史詩云愚生三季後慨然念
黃虞得知千載事上賴古人書次其韻以謝鄭君
我非皇甫謐門人如摯虞不特兩鷓酒肯借一車書
欲令海外士觀經似鴻都結髮事文史俯仰六十踰
老馬不耐放長鳴思服輿故知根塵在未免病藥俱
念君千里足懸塊猶踟躕好學真伯業比肩可相知

此書久已熟救我今荒蕪顧慙桑榆迫豈厭詩酒娛
秦賦病未能草玄老更疎猶當距揚墨稍欲懲荆舒

和乞食

莊周昔貧粟猶欲春脫之魯公亦乞米炊煮尚不辭
淵明端乞食亦不避嗟來嗚呼天下士死生寄一杯
斗水何所直遠汲愁姜詩幸有餘薪米養此老不才
至味久不壞可為子孫貽

和胡西曹示顧賊曹

長春如稚女飄搖倚輕颺卯酒暈玉頰紅綃卷生衣
香自歛令睇意頗寧當娣黃菊未肯似戎裝

誰言此弱質閱歲觀盛衰頽然疑薄怒沃盥未可揮
瘴雨吹蠻風凋零豈容逢老人不解飲短句餘清悲

游斜川和正月五日與兒子過出游作

謫居澹無事何異老且休雖過靖節年未失斜川游
春江淥未波人卧船自流我本無所適汎汎隨鳴鷗
中流遇湫洄捨舟步曾丘有口可與飲何必逢我儔
過子詩似翁我唱兒輒酬未知陶彭澤頗有此樂不
問點爾何如不與聖同憂問翁何所笑不為由與求

和已酉歲九月九日

十月初吉菊始開乃與客作重九因次韻淵明

已酉歲九月九日一首胡廣飲菊潭水而壽然
李固傳贊云其視胡廣趙戒猶糞土也

今日我重九誰謂秋冬交黃花與我期草中實後凋
香餘白露乾色映青松高悵望南陽野古潭霏慶霄
佃始真糞土平生復畦勞飲此亦何益內熱中自焦
持我萬家春一酌五柳陶夕英幸可擬繼此木蘭朝

和癸卯歲始春懷古田舍二首

檐人黎子雲无第居城東南躬農圃之勞偶與
軍使張中同訪之居臨大池水木幽茂坐客欲
為醪錢作屋余亦欣然許之名其屋曰載酒堂

用淵明始春懷古田舍韻作三首

退居有成言垂老竟未踐何曾淵明歸屢作敬通免
休閑等一味妄想生愧淵明本用細字聊取其同音字聊將自知

明稍積在家善城東兩黎子室還人自遠呼我釣其
池人魚兩忘返使君亦命駕恨子林塘淺

茅茨被不補嗟予乃爾貧菜肥人愈瘦龜闕井常勤

我欲致薄少解衣勸坐人臨池作虛堂雨急瓦聲新

客來有美載果熟多幽欣丹荔破玉膚黃柑溢芳津

借我三畝地結茅為子隣鳩舌儻可學化為黎母民

和飲酒二十首

一吾飲酒至少常以把杯為樂往往頽然坐睡人見其醉而吾中了然蓋莫能名其為醉為醒也在揚州時飲酒過午輒罷客去解衣盤礴終日歡不足而適有餘因和淵明飲酒二十首庶以髣髴其不可名者示舍弟子由晁無咎學士我不如陶生世事纏綿之云何得一適亦有如生時寸田無荆棘佳處正在茲縱心與事往所遇無復疑偶得酒中趣空杯亦常持

二豪詆醉客氣湧胸中山濯然忽水釋亦復在一言審氣實其腹云當享長年少飲得徑醉此秘君勿傳

道喪士失已出語輒不情江左風流人醉中亦求名淵明獨清真談笑得此生身如受風竹掩冉衆葉驚俯仰各有態得酒詩自成

蠹蠕食葉蟲仰空慕高飛一朝傳兩翅乃得粘網悲啁啾厭巢雀沮澤疑可依赴水生兩殼遭閉何時歸二蟲竟誰是一笑百念衰幸此未化間有酒君莫違小舟真一葉下有暗浪喧夜棹醉中發不知枕几偏天明問前路已度千金山嗟我亦何為此道常往還未來寧卓討既往復何言

百年六十化念念竟非是是身如虛空誰受譽與毀

得酒未舉杯喪我固忘爾倒床自其寢不擇管與綺
頃者大雪年海冰翻玉英有土常痛飲飢寒見真情
床頭有敗盃孤坐時一傾未能平體粟且復洗腸鳴
脫衣裹凍酒每醉念此生

我坐華堂上不改麋鹿姿時來蜀岡頭喜見霜松枝
心知百尺底已結千歲竒煌煌凌霄花纏繞復何為
舉觴酌其根無事莫相羈

芙蓉在秋水時節自闔開清風亦何意入我芝蘭懷
一隨採折去永與江湖乖斷絲不復續斗水何足栖
不如玉井蓮結根天池泥感此每自慰吾事幸不諧

酒中有歸路了了初不迷乘流且復逝抵曲吾營
簞輿死醉守路轉古城隅酒力如過雨清風消半途
前山正可數後騎且勿驅我緣在東南往寄白髮餘
遙知萬松嶺下有二畝居

民勞更無德歲美天有道暑雨避麥秋溫風送黍老
三咽初有聞一漑未濡稿詔書寬積欠父老顏色好
再拜賀吾君獲此不貪寶頽然笑阮籍醉几書謝表
我夢入小學自謂總角時不記有白髮猶誦論語辭
人間本兒戲顛倒略以茲惟有醉時真空洞了無疑
墜事終無傷在叟不吾欺呼兒具紙筆醉語輒錄之

醉中雖可樂猶是生滅境云何得此身不醉亦不醒
癡如景升牛莫保尻與頰點如東郭魏東縛作毛頭
乃知稽叔夜非坐虎文炳
我家小馮君天性頗純至清坐不飲酒而能容我醉
歸休要相依謝病當以次豈知山林士骸體乃爾貴
乞身當念早過是恐少味
去鄉三十年風雨荒舊宅惟存一束書寄食無定迹
每用愧淵明尚取禾三百頎然六男子粗可傳清白
於吾豈不多何事復歎惜
灑灑六男子絃誦各一經復生五丈夫戢戢丁欲成

田了門戶與國充感更善兒初學語玉骨開天庭
淮老如鶴雞破殼已能鳴舉酒屬千里一歡愧凡情
淮海雖故楚無復輕揚風齋厨聖賢雜無事時一中
誰言大道遠正賴三杯通使君不夕坐衙門散刀弓
何人築東臺一郡坐可得亭亭占浮圖獨立表衆惑
蕪城閱興廢雷塘幾開塞明年起華堂置酒弔亡國
無令竹西路歌吹久寂默
晁子天麒麟結交及未仕高才固難及雅志或類已
各懷伯業能共有丘明恥歌呼時就君指我醉鄉里
吳國門下客賈誼獨見紀請作鵬鳥賦我亦得坎止

行樂當及時綠髮不可待

蓋公偶談道齊相獨適真頽然不事事客至先飲醇
當時劉項罷四海創痍新三杯洗戰國一斗銷疆秦
寥寥千載後陽公嗣前塵醉卧客懷中言笑徒多勤
我時閱舊史獨與三人親未暇食脫粟苦心學平津
草書亦何用醉墨淋衣巾一揮三十幅持去聽坐人

和止酒

丁丑歲余謫海南子由亦貶雷州五月十一日
相遇於藤同行至雷六月十一日相別渡海余
時病痔呻吟子由亦終夕不寐因誦淵明詩勸

余止酒乃和元韻因以贈別庶幾真止矣

特來與物逝路窮非我止與子各意行同落有靈靈
蕭然兩別駕各携一稚子子室有孟光我室惟法喜
相逢山谷間一月同卧起茫茫海南北粗亦足生理
勸我師淵明力薄且爲已微病坐杯勺止酒則瘳矣
望道雖未濟隱約見津涘從今東坡室不立杜康祀
還舊居和夢歸惠州白鶴山居作

痿入常念起夫我豈忘歸不敢夢故山恐興墳墓悲
生世本暫寓此身念念非鸞城亦何有偶捨鶴毳遺
窮魚守故沼聚沫猶相依大見當門戶時節供丁推

夢與鄰翁言，憫默憐我衰。往來付造物，未用相招麾。

和始作鎮軍參軍經曲阿

虞人非其招，欲往畏簡書。穆生責醴酒，先見我不如。
江左古弱國，強臣擅天衢。淵明隨詩酒，遂與功名殊。
我生值良時，朱金義當紆。天命適如此，幸收廢棄餘。
獨有愧此翁，大名難久居。不思犧牛龜，兼取能掌魚。
北郊有大賚，南冠解囚拘。眷言羅浮下，白鶴返故廬。

和庚戌歲九月中於西田穫早稻

蓬頭二獠奴，誰謂愿且端。晨興洒掃罷，飽食不自安。
願治此圃畦，少資主游觀。晝功不自覺，夜氣乃潛還。

早韭欲爭春晚松，先破寒人問無正味。美好出艱辛，
早知農圃樂，豈有非意干。尚恨不持鋤，未免駢我類。
此心苟未降，何適不間閔。休去復歇去，菜食何所歎。

和丙辰歲八月中於下溪田舍穫

聚糞西垣下，鑿泉東垣隈。勞辱何時休，宴安不可懷。
天公豈相喜，雨霽與意諧。黃菘養土羔，老楮生樹雞。
未忍便烹煮，繞觀日百迴。跨海得遠信，水盤鳴玉哀。
茵陳點膾縷，照坐如花開。一與蛋叟醉，蒼顏兩摧頹。
齒根日浮動，自與梁肉乖。食菜豈不足，
雞栖一作呼兒拆

和乙巳歲三月為建威參軍使都經錢溪

喬木卷蒼藤浩浩崩雲積謝家堂前燕對語悲宿昔
仰看枕柳樹玄鶴舞長翻新年結荔子主人黃壤隔
溪陰宜館我稍省薪水役相如賣車騎五畝亦可易
但恐鵬鳥來此生還蕩折誰能插籬槿護此殘竹柏

和遊城北謝民茂對作

辛丑七月赴假還江陵夜行途中作口號

和郊行步月

缺月不蚤出長林踏青冥犬吠主人怒愧此閭里情
任我夜不歸齒袂窺紫荆雲間與地上待我兩友生

鵲再三起樹端已微明白露淨原野始覺立陵中

聯螢方夜績孤螢亦零征歸來閉戶坐寸田且默對
莫赴花月期免為詩酒縈詩人如布穀聒聒常自名

和詠二疎

三疎事漢時迹寓心已去許侯何足道寧識此高趣

可憐魏丞相免冠謝陋舉中興多名臣有道獨兩傳
世途方轂擊誰肯行此路是身如委蛻未蛻何所顧

已競則兩忘身後誰毀譽所以遺子孫買田豈先務
我常游東海所歷若有素神交久後君屢夢今乃悟

淵明作詩意妙想非俗慮庶幾二大夫見微而知著

和詠三良

此生太山重忽作鴻毛遺三子死一言所死良已微
賢哉晏平仲事君不以私我豈大馬哉從君求蓋惟
殺身故有道大節要不虧君為社稷死我則同其歸
顧命有治亂臣子得從違魏顆真孝愛三良安足吝
仕宦豈不榮有時纏憂悲所以靖節翁服此黔婁衣

和詠荆軻

秦如馬後牛呂氏非復嬴天欲厚其毒假手李客卿
功成志自滿積惡如陵京滅身會有時徐觀可安行
沙丘一狼狽笑落冠與纓太子不少忍顧非萬人驚

魏韓製智相肘是本無叢胡為棄成謀託國此狂生
荆軻不是說田子老可驚燕趙多奇士惜哉亦虛名
殺父因其母此豈容天庭亡秦只三戶况我數十城
軒離雖不傷陞戟加周營至今天下人愍燕欲其成
廢書一太息可見千古情

和讀山海經十三首

陶淵明讀山海經十三首其七首皆仙語余讀
抱朴子有所感用其韻賦之

今日天始霜衆木斂以疎幽人掩窗卧明景翻空廬
關心無良友寓眼得奇書建德有遺民道遠我無車

東坡續集卷之三
無糧食自足豈謂穀與蔬愧此稚川翁千載與我俱
畫我與淵明可作三士圖學道雖恨晚賦詩豈不如
稚川雖獨善愛物均孔顏欲使螻蛄流知有龜鶴年
辛勤破封執苦語剝移山博哉無窮利千載食此言
淵明雖中壽雅志仍丹丘遠矣無懷民超然邈無儔
竒文出續息豈復生死流我欲作九原異世為三游
子政信竒逸妙筭窮陰陽淮仙枕中決養練歲月長
豈伊臭濁中爭此頃刻光安知青黎火丈人非中黃
亂離棄弱女破家割恩憐寧知効龜息三歲號窮山
長生定可學當信仲弓言支床竟不死抱一無窮年

三山在咫尺靈藥非草木玄芝生太元黃精出長谷
他都浩如海豈不供浴何當從山火束緼分寸燭

蜀士李八百穴居吳山陰默坐但形語後者紛如林

其後有李寬雞鵠非同音口耳固多偽識真要在心

書華育其谷靈根固深長廖并窅丹砂紅泉涌尋常

二女戲口耳一作鼻松膏以為糧聞此不能寐起坐夜

未央

談道鄙俗儒遠自太史走仲尼實不死於聖亦何負

紫衣出吳宮丹雀本無有遠哉廣桑君獨顯三季後

金丹不可成安期渺雲海誰謂黃門妻至道乃近在

東坡集卷之三十一
支解竟不傳化去空餘悔金成亦安用御氣本無待
鄭君故多方玄翁所親指奇文二石篇了未出生死
素書在黃石豈敢辭跪履萬法等成壞金丹差可恃
古強本妄庸蔡誕亦夸士曼都斥仙人謁帝輕舉止
學道未有得自欺誰不爾稚川亦隘人疏錄此庸子
東坡信畸人涉世真散材仇池有歸路羅浮豈徒來
踐蛇及茹蠱心空了無猜携手葛與陶歸哉復歸哉

和雜詩十一首

日照孤隙始知空有塵微風動衆竅誰信我忘身
一笑問兒子與汝定何親後我來海南絕無四隣

耿耿如缺月獨與長庚晨此道固應爾不當怨遊人
故山不可到飛夢隔五嶺真游有黃庭閉目寓兩景
室空無可照火滅膏自冷披衣起視夜海闊河漢永
西窓半明月散亂梧楸影良辰不可繫逝水無留騁
我苗期後枯持此一念靜

真人有妙觀俗子多妄量區區勸粒食此豈知子房
我非徒跣相終老懷未央免死縛淮陰徇功指平陽
衰哉亦可羞世路皆羊腸
相如偶一官唾鄙蜀父老不記犢鼻時滌器混傭保
著書曾幾許渴肺灰土燥琴臺有遺魄笑我歸不早

作書遺故人皎皎我懷抱餘生幸無愧可與君平道
孟德黠老孤姦言嗾鴻豫哀哉喪亂世梟鸞各騰翥
逝者知幾人文舉獨不去天方斲漢室豈計一郗慮
昆蟲正相齧乃北顧相如我知公所坐大名難久住
細德方險微豈有容公處既往不可悔庶為來者懼
博古古真人老聃關尹喜獨立萬物表長生乃餘事
稚川差可近儻有接物意我頃登羅浮物色恐相值
徘徊朱明洞沙水自清駛滿把菖蒲報歎息復棄置
藍橋近得道常苦世褊迫西游王屋山不踐長安陌
爾來寧復見鳥道度太白昔與冥遠游同藏一瓢窄

陽隔雲海歲晚儻見客代薪供養火看作栖鳳宅
南榮晚聞道未肯化庚桑陶頑鑄強獷枉費壘與糝
越子古成之韓生教休粮參同得靈鑰九鎖啓伯陽
鶴城見諸孫貧苦我為傷空餘焦先室不傳元化方
遺像似李自抄黃臨銀錫真常恐抱永歎不及年明遷
餘齡難把玩妙解寄筆端真常恐抱永歎不及年明遷
親來復勸我殺心餞華顛虛名非我有至味知誰
思我無所思安能觀諸緣已矣復何歎舊說易兩篇
申符本自聖臨古不復稽巨君繼獨憇借經作巖崖
遂令青衿子瑛襲人人懷鑿齒井蛙耳信謂天可彌

大道久分裂破粹自愈離我如終不言誰悟角與羈
吾琴豈得已昭氏有成辭

衡岳登胸山出日觀滄涼欲濟東海縣恨無石橋梁
今茲黎母國何異于公鄉蠓浦既黏山暑踏亦飛霜
所欣非自周不怨道里長

和擬古九首

有客為我門繫馬門前柳庭空鳥雀散門閉客立久
主人枕書卧夢我平生友忽聞剝啄聲驚散一杯酒
到裳起謝客夢覺兩愧負坐談雜今古不答顏愈厚
我何處來我來無何有

酒盡君可起我歌已三終由來竹林人不數濤

有酒從孟公慎勿從楊雄崎嶇頽沙麓塵埃汗四風

昔我未嘗達今者亦安窮窮達不到處我在阿堵中

客去室幽幽鵬鳥來坐隅引吭伸兩翮太息意不舒

吾生如寄耳何者為我廬去此復何之少安幽汝居

夜中聞長嘯月露荒榛蕪無問亦無答吉凶兩何如

少年好遠游蕩志隘八荒九夷為藩籬四海我堂

盧生與若士何足期杳茫稍喜海南州自古無戰場

奇峯望黎母何異嵩與印飛泉瀉萬仞舞鶴雙

分杯未入海膏澤彌此方芋魁儻可飽魚肉亦美傷

馮洗古烈婦翁媪國于茲策勲梁武後開府隋文時
三世更險易一心無磷緇錦傘平積亂犀渠破餘疑
廟貌空復存碑板漫無辭我欲作銘誌慰此父老思
遺民不可問僕句莫余欺犧牲菌雞卜我當一訪之
銅鼓壺盧笙歌此迎送詩

沉香作庭燎甲煎紛相和豈若注微火縈煙嫺清歌

貪人無飢飽胡椒亦求多朱劉兩狂子墮隊如風花

本欲竭澤漁奈此明年何朱初平劉誼欲冠帶黎人以取水沉耳

雞窠養鶴髮及與唐人游來孫亦垂白頗識李崖州

再逢盧與丁閱世真東流斯人今在亡未遽掩一丘

我師吳季子守節到晚周見春秋未渺焉不奇來

城南有荒池瑣細誰復採幽姿小芙蓉香色獨未改

欲為中州信浩蕩絕雲海遙知玉井蓮落蓋不相待

攀躋及少壯已矣那容悔作失

黎山有幽子形槁神獨完負薪入城市笑我儒衣冠

佳不聞詩書豈知有孔顏脩然獨往來榮辱未易關

日暮鳥獸散家在孤雲端問答了不通歎息指屢彈

似言君貴人草莽栖龍鳶遺我吉貝布海風今歲寒

和東方有一士

耕居本近危甃墜知不完夢求忘楚弓笑解通越冠

悠悠反自照識我本來顏歸路在脚底殺潼失重關
屢後淵明遊雲山出毫端借君無絃物寓我非指彈
豈惟舞獨鶴便可躡飛鸞還將嶺茅瘴一洗月關寒
此東方一士正淵明也不知後之游者誰
年若了得以一段我即淵明淵明即我也

集歸去來詩十首

命駕欲何向忻忻春木榮世人無往復鄉老有逢迎
雲外流泉遠風前飛鳥輕相攜就衡宇酌酒話交情
薄世恨形役告休成老夫良欣就歸路不復向迷途
委委徑有一作菊行竹田款蕪情親有還往清酒引

壺

與世不相入膝琴聊自一作盡歡風光歸笑傲雲物
游觀言話審魚勸心懷良獨安東臯清有趣栢林日
盤桓

世事非吾事駕言歸路尋向時迷有命今日悟無心
庭內菊歸歸酒窓前風入琴寓形知己老猶未倦登臨
雲岫不知遠巾車行復前僕夫尋老木童子引清泉
矯首獨傲世委心還樂天農夫告春事扶老向良田
富貴良非願鄉閔歸去休携琴已尋壑載酒復經丘
翳翳景將入涓涓泉欲流農夫人不樂我獨與之游
觴酒命童僕言歸無復留輕車尋絕壑孤棹入清流

乘化欲一作亦安命息交還絕游琴書樂三徑老矣亦
何求

歸去復歸去帝鄉安可期鳥還知已倦雲出欲何之
入室還携幼臨流亦賦詩春風吹獨立不是傲親知
後後倦人事來歸車載奔征夫問前路稚子候衡門
入愁亦詩策出游常酒樽交親書已絕雲壑自相存
寄傲疑今是求榮感昨非聊欣樽有酒不恨室無衣
丘壑世情遠田園生事微柯庭還獨曠時有鳥歸飛

和貧士七首

余遷惠州一午衣食漸窘重九俯近樽俎蕭然

乃和淵明貧士詩七首以寄許下高安宜興
子姪并令過同作

長庚與殘月耿耿如相依以我旦暮心惜此須臾
青天無今古誰知織鳥一作飛我欲作九原獨與
明歸俗子不自悼顧憂斯人飢堂堂誰有此千駟良
可悲

夷齊耻周粟高歌誦虞軒產祿彼何人能致綺與園
古來避世士死灰或餘煙末路益可羞朱墨手自研
淵明初亦仕絃歌本誠言哀樂乃徑歸視世差獨賢
誰謂淵明貧尚有一素琴心閑手自適寄此無窮音

佳辰愛重九芳菊起自尋踈巾歎虛漉塵爵笑空對
怨餉二萬錢顏生良足欽思送酒家保勿違故人心
人皆有耳目夫子曠與婁弱毫寫萬象水鏡無得酬
閑居惜重九感此歲月周端如孔北海只有尊空憂
二子不並世高風兩無傳我後五百年清夢未易求
芙蓉雜金菊枝葉長闌下遙怜退朝人餒酒出太官
豈知江海上落英亦可食典衣作重陽俎歲慘將寒
無衣粟一作寒我膚無酒顰我顏貧居真可歎二事長
相闕

老蒼亦白髮

惠州太守詹
範字器之

相對垂霜蓬賦詩殊有味

世非所立杖藜山谷間伏類渤海龔半道要我
意與至弘同有酒我自至不須遣龐通門生與兒子
杖履聊相從

我家六兒子流落三四州辛苦更不識今與農圃傳
買田帶脩竹築室依清流未能遣一力分汝薪水憂
坐念北歸日此勞未易酬我獨遣以安康門有前脩

和桃花源詩

世傳桃源事多過其實攷淵明所記止言先世
避秦亂來此則漁人所見似是其子孫非秦人
不死者也又云殺雞作食豈有仙而殺者乎舊

說南陽有菊水水甘而芳民居三十餘家飲其
水皆壽或至百二三十歲蜀青城山老人村有
見五世孫者道極險遠生不識鹽醢而溪中多
枸杞根如龍蛇飲其水故壽近歲道稍通漸能
致五味而壽亦益衰桃源蓋此北也歟使武陵
太守得而至馬則已化為爭奪之場久矣嘗意
天壤之間若此者甚衆不獨桃源余在潁州夢
至一官府人物與俗間無異而山川清遠有足
樂者顧視堂上榜曰仇池覺而念之仇池武都
氏故地楊難當所保余何為居之明日以問客

客有趙令時德麟者曰公何為問此此乃穉城
小有洞天之附庸也杜子美蓋云萬古仇池
潛通小有天神魚人不見福地語真傳近接西
南境長懷十九泉何時一茅屋送老白雲邊他
日工部侍郎王欽臣仲至謂余曰吾嘗奉使過
仇池有九九泉萬山環之可以避世如桃源也
凡聖無異居清濁共此世心閑偶自見念起忽已逝
欲知真一處要使六用廢桃涼信不遠藜杖可小憇
躬耕任地力絕學抱天藝臂雖有時鳴尻駕無可稅
琴龜亦晨吸祀狗或夜吠耘獲得茸芳斲齧謝炮製

子驥雖形隔淵明已心詣高山不難越淺水何足厲
不知我仇池高舉復幾歲從來一生死近又等處慧
蒲澗安期境在廣羅浮稚川畧夢往後之游神交發
吾蔽桃花滿庭下流水在戶外却笑逃秦人有畏非
其契

和歸去來兮辭

子瞻謫居昌化追和淵明歸去來 蓋以無何
有之鄉為家雖在海外未嘗不歸云爾

歸去來兮吾方南遷安得歸卧江海之瀕洞吊鼓角
之懷悲迹泥蟠而愈深時電往而莫追懷西南之歸

露夢良是而覺非悟此生之何常猶寒暑之異衣豈
龍裘而念葛蓋得捕而喪微我歸甚易匪馳匪奔俯
仰還家下 闔門藩垣雖闕堂室故存挹我天醴津
之窪搏飲月露以洗心殫朝霞而眩顏混客主以為
一俚婦姑之相安知盜竊之何有乃培門而折閤廓
圓鏡以外照納萬象而中觀治廢井以晨汲滄百泉
之夜還守靜極以自作時爵躍而鯢桓歸去來兮請
終老於斯游我先人之弊廬復舍此而焉求均海南
與漠北挈往來而無憂畸人告余以一言非八卦與
九疇方飢須糧已濟無升忽人牛之皆喪但喬木與

高丘驚六用之無成自一根之反流望故家而求息
曷中道而三休已矣乎吾生有命歸有時我初無行
亦無番駕言隨子聽所之豈以師南華而廢筮安期
謂易稼之終枯遂不溉而不耔師淵明之雅放和百
篇之新詩賦歸來之清引我其後身蓋無疑

和刘柴桑續添

萬劫互起滅百年一踟躕漂流四十年今乃言卜居
且喜天壤間一席亦吾廬稍理蘭桂藂盡平狐兔墟
黃楸出舊枿紫茗抽新畬我本早衰人不謂老更劬
却君助畚鍤鄰里通有無竹屋後低深山窓自明疎

飽便終日高眠忘百須自笑四壁空無妻老相如
歌辭

竹枝歌并序

竹枝歌本楚聲幽怨惻怛若有所深悲者豈不
往者之所見有足怨者歎夫傷二妃而哀屈原
思懷王而憐項羽此亦楚人之意相傳而然者
且其山川風俗鄙野艱苦之態固已見於前人
之作與今子由之詩故特緣楚人疇昔之意為
一篇九章以補其所未道者

蒼梧山高湘水深中原北望度千岑帝子南遊飄不

東坡續集卷之三
返惟有蒼蒼楓桂林楓葉蕭蕭桂葉碧萬里遠來趨
莫及乘龍上天去無蹤草木無情空寄泣水濱擊鼓
何喧闐相將扣水求屈原屈原已死今千載滿船哀
唱似當年海濱長鯨徑千尺食人為糧安可入招君
不歸海水深海魚豈解哀忠直吁嗟忠直死無人可
惜懷王西入秦秦閔已閉無歸日章華不復見車輪
君王去時簫鼓咽父老送君車軸折千里逃歸迷故
鄉南公哀痛彈長鈇三戶亡秦信不虛一朝兵起盡
譙呼當時項羽年最少提劍本是耕田夫橫行天下
竟何事棄馬為江馬垂涕項王已死無故人首入囊
囊身委地富貴榮華豈足多至今唯有塚嵯峨故國
淒涼人事改楚鄉千古為悲歌

山坡陀行

山坡陀兮下屬江勢崖絕兮游波所蕩如頽墻松蕭
律兮百尺旁拔此驚葛藟之上不見日兮下可依吾
曳杖兮吾僮亦吾之書隨貌余望兮水中泝頽然而
長者黃冠而羽衣幹頤坦腹盤石箕坐兮亦有趾
安不危四無人兮可忘飢仙人惺惺自言其居瑤之
圃一日一夜飛相往來不可數使其開口言兮豈惟
河漢無極驚余心默不言兮寒昭氏之不鼓琴愴將

山河與日月長在若有人兮夢中仇池我歸路此非
小有兮噫乎何以樂此而不去昔余游於葛天兮身
非陶氏猶與偕乘渺茫良未果兮僕夫悲余馬懷聊
逍遙兮容與晞余髮兮蘭之渚余論世兮千載一人
猶並時余行詰曲兮欲知余者稀峨峨洋洋余方樂
兮譬余繫舟於水魚潛鳥舉亦不知何必每念輒得
應余若響曾坐有如此兮人子期

鳴泉思思君子也君子抱道且殆而時始
弗與民咸思之鳴泉故基埋圯殆盡眉山
蘇公搔首踟躕你鳴泉思以思之

鳴泉思思君子也君子抱道且殆而時始
弗與民咸思之鳴泉故基埋圯殆盡眉山
蘇公搔首踟躕你鳴泉思以思之
蕭昔有人焉其高如山其清如水其心金與玉其道
砥與絃執德沒世落月入地英名皎然陽曦麗天猶
隱寂寂新篁娟娟思彼君子我心若懸谷鳥在上巖
花燈前鳴泉鳴泉能使我宛結而華顛

輓轡歌

新繫青絲石尺繩心在君家輓轡上我心皎潔君不
知輓轡一轉一惆悵何處春風吹曉幕江南綠水通
珠閣美人二八顏如花泣向花前畏花落臨春風聽

春集別時多見時少愁人一夜不得眠瑤井玉繩相對曉

美哉一首送常城主簿歐陽君

美哉水洋洋乎我懷先生送之子于城隅洋洋乎美
我水送之子至于新渡念彼嵩雒眷焉西顧之子于
邁至於白馬白馬舊邦其構惟新邦人流涕盡觴之
孫相其口髯尚克似之先生遺民之子往字

辨道歌

此方正氣名祛邪東如西應歸中華離南為室坎為
先凝白雪生黃芽黃河流駕紫河車水精池產紅

蓮花赤龍騰霄駕盤蛇姪女含笑嬰兒兒呀十二樓
靈泉靈華池玉液陰交加子馳午前無停差三田聚
寶真生涯龜精鳳髓填豁訝天地駭有鬼神嗟一冊
休別內外砂長脩久餌須叔遐腸中澄結魚餘相俗
骨變換顏如葩哀哉世人爭齒牙指偽為真正為哇
輕肥其美形驕奢譎詭詐妄言矜誇遊魚在網兔在
且一氣頓盡猶嘔啞餘生所託誠樓榭九原枯髀如
亂麻胡不割衆如鎔錫空與利名交掌擎胡不讓霜
如文駟可惜貪愛相漫塗真心道意非不嘉淪金闕
話非虛譁何須橫議相疵瘕衆口並發鳴群鴉安知

聚散同魚蝦自纏如繭居如蝸日懷嗔喜其籠箴其
去死地猶獵殺吾恨爾見有所遮海波或至蘄井蛙
烏輪即晚蟾影斜吾時俱覩超雲霞

與葉淳老候敦夫張秉道同相視新河東
道有詩次韻二首

君不見元帥府前羅萬戟濤頭未順千弩射至今鳳
凰山下路長借一箭開兩翼我鑿西湖還舊觀一
邑盡西南碧又將回奪浮山險千艘夜下無南北坐
陳三策本人謀惟留一諾待我畫老病思歸真暫高
功若如幻終何得從來自笑畫蛇足此事何殊食

助憐君嗜好更迂闊得我新詩喜折屐江湖粗了我
徑歸餘事後來當潤色一庵閑掛洞霄宮井有丹砂
水長赤

荆溪父老愁三害下斬長蛟本無賴平生倔强歸
之識字猶為鱗魚戒石門之役萬金耳首鼠不為吾
已監江湖開塞古有數兩鵠飛來告成壞勸農使者
非常人一言已破黎民駭上饒使君更超逸坐視浮
山如累塊髯張以我結襪生詩酒淋漓出狂怪我作
水衡生作丞他日歸朝同此拜

陳守道

一氣混淪生復生有形有心即有情共見利欲飲食
事各有瓜牙頭角爭爭時怒發霹靂火險處直在嵌
巖坑人偽相加有餘怨天真喪盡無純誠徒自取先
用極力誰知所得皆空名少微處士松栢寒蓬乘真
人冰玉清山是心兮海為腹陽為神兮陰為精渴飲
靈泉水飢食玉樹枝白虎化坎青龍離鎖禁姪女閨
嬰兒樓臺十二紅玻璃金公木母相東西純鉛真汞
星光輝為升兔降無年期停顏卻老只如此哀哉世
人迷不迷

老人行

有一老翁老無齒處處無人問年紀白髮如絲何處
書一雙眸子碧如水不裹頭又無履相識雖多少知
已問翁畢竟何所止笑言只在紅塵裏秋風獵獵行
雲飛老人此意無人會日注雲歸心自知黃口小兒
莫相笑老人舊日曾年少浪迹常如不繫舟地角天
涯知自跳亦曾樂半夜傳籌醉朱閣美人如花弄絃
索只恨樽前明月落亦曾憂羈旅他鄉迫暮秋故國
日邊無信息斷鴻空逐水長流或安貧或安富或爵
通侯封萬戶一任秋霜換髮毛本來面目長如故水
有類考山有芝人意雖存事已非有時却憶經遊處

都似茫茫春夢歸。迤來尤解安貧賤。不為公卿強陪
面。皎如明月在秋潭。動着依前還不見。還不見。可柰
何。空使遠人增眷戀。但祇恁他。隨物轉。青樓黃閣長
相見。若相見。莫慙慙。却是翁家舊主人。

襄陽樂府三篇

野鷹來

野鷹來萬山下。荒山無食鷹苦飢。飛來為爾繫絲絲。
北原有兔老且白。年年養子秋食。救我欲擊之不可
得。年深兔老鷹力弱。野鷹來城東有臺高。雀窠臺中
公子着皮袖。東望萬里心悠悠。扒鷹何在嗟爾公子歸。

野鷹來可呼亦允曹。天陰月黑狐夜嘯。

上堵吟

臺上有客吟秋風。悲聲蕭散飄入宮。臺邊遊女來窺
聽。欲學聲同意不同。君悲竟何事。千里金城兩推子。
白馬為塞鳳為關。山川無人空且閑。我悲亦何苦。江
水冬更深。鱗魚冷難捕。悠悠江上聽歌人。不知我意
徒悲辛。

襄陽樂

使君未來襄陽愁。提戈入市裹羶裘。自從羶裘南渡
馮襄陽。無事多春遊。襄陽春遊樂。何許峴山之陽漢。

江浦使君朱旆來翻翻人道使君似羊杜道邊逢人
問洛陽中原苦戰春田荒北人聞道襄陽樂目送飛
鳴應斷腸

仙都山鹿

老泉詩序云至豐都縣將遊仙都觀見知縣李
長官云固知君之將至也此山有鹿甚老而猛
獸獵人終莫能害將有客來遊鹿輒夜鳴故常
以此候之而未嘗失余聞而異之乃為作詩東坡同賦
日月何促促塵世苦局束仙子去無蹤故山遺白鹿
仙人已去鹿無家孤棲悵望層城霞至今聞有遊洞

寒夜來江市叫平沙長松千樹風蕭瑟仙宮去人無
咫尺夜鳴白鹿安在茲滿山秋草無行迹

白鶴吟留鍾山覺海

白鶴聲可憐紅鶴聲可惡白鶴招不來紅鶴揮不去
長松受穢死乃以紅鶴故北山道人曰美者自美吾
何為而喜惡者自惡吾何為而怒去自去耳吾何驟
而追來自來耳吾何妨而拒吾豈厭喧而求靜吾豈
好冊而非素汝謂松死吾無依焉吾方捨陰而坐露

虛飄飄三首

虛風飄畫旆蛛結網銀漢鵲成橋塵清雨桐葉霜飛

風柳條露凝殘點見紅日星曳餘光橫碧霄虛飄飄
比浮名利猶堅牢

虛飄飄花飛不到地虹起謾成橋入夢雲千疊游空
絲萬條蜃樓百尺橫蒼海鴈字一行書絳霄虛飄飄
比人身世猶堅牢

虛飄飄風寒吹絮浪春水暖冰橋勢緩靈垂線敵乾
華下條雨中漚點隨流水風裏絲雲橫碧霄虛飄飄
比時富貴猶堅牢

次韻張甥崇美述志名宗興

仲子甘心織履避萬鍾淵明不肯折腰為五斗一年

為鴉識來往終日沐猴誰去取知甥詩意暮兩君
書要在存心久平生所談性命與長棄不憂金石朽
我今已習鴛子定猶復晨朝怖頭走剗心先擬射殺
名不作羊鄒悲峴首雲梯雨矢集無方我已中灰伺
墨守恐甥自是禹門鱗未可潛逃入吾數琢磨晚覺
孟光賢畏我故言時被肘甥能鉏我青門瓜正午時
來休老手

賦

老饕賦

庖丁鼓刀易牙烹熬水欲新而釜欲潔火惡陳江右

色火青而新惡勞九蒸暴而日燥百上下而湯糜膏
項上之一齧爵霜前之兩螯爛櫻珠之前蜜滋杏酪
之蒸羔蛤半熟而含酒蟹微生而帶糟蓋聚物之天
美以養吾之老饕婉彼姬姜頰如李桃彈湘妃之玉
瑟鼓帝子之雲璈命仙人之萼綠華舞古曲之鬱輪
袍引南海之玻黎酌涼州之蒲萄願先生之老壽分
餘瀝於兩髦候紅潮於玉頰驚煖響於檀槽忽纍珠
之妙唱抽獨靈之長綵閑手倦而少休疑吻燥而當
膏倒一缸之雪乳列石拖之瓊艘各眼灑於秋水咸
骨醉於春醪美人告去已而雲散先生方兀然而禪
海闊而天高

菜羹賦并序

東坡先生卜居南山之下服食器用稱家之有
無水陸之味貧不能致煮蔓菁蘆菹苦齋而食
之其法不用醯醬而有自然之味益易而可常
享乃為之賦辭曰

嗟余生之褊迫如脫兔其何因般詩腸之轉雷聊御
餓而食陳無芻豢以適口荷鄰蔬之見分汲幽泉以
揉濯搏露葉與瓊根爨鋼錡以膏油泫融液而流津

適湯滂如松風投糝豆而諧勻覆陶甌之穹崇罷攬
觸之煩勤屏醯醬之厚味却椒桂之芳辛水耗初而
釜治火增壯而力均滷嘈雜而廉清信淨美而其分
登盤盂而薦之具七筴而晨飡助生肥於玉池與五
鼎其齊瓊副易牙之效技超傳說而策勲沮彭尸之
爽惑調竈鬼之嫌嗔嗟立媿其自隘陋樂羊而匪人
先生心平而氣和故雖老而體胖忘口腹之為累似
不殺而成仁竊比子於誰歟蒼天氏之遺民

颶風賦

南越志熙安間多颶風颶者具四方之風也常

以五六月發未至時鷄犬為之不鳴又嶺表錄

云秋夏間有暈如虹者謂之颶母必有飄風

仲秋之夕客有叩門指雲物而告予曰海氣甚惡非
禳非祥斷霓飲海而北指赤雲夾日而南翔此颶之
漸也子盍備之語未卒庭戶肅然槁葉款款鷲鳥疾
呼怖獸辟易忽野馬之決驟矯退飛之六鷁襲土囊
而暴怒掠衆竅之叱吸予乃入室而坐歛衽變色客
曰未也此颶之先駭尔少焉排戶破牖殞瓦擗屋礮
擊巨石揉拔喬木勢翻激濤響振坤軸疑屏翳之赫
怒執陽侯而將戮鼓千尺之清瀾翻百仞之陵谷吞

泥沙於一卷落崩崖於再觸列萬馬而並驚潰千車
而爭逐虎豹龍言駭鯨鯢犇感類鉅鹿之戰殷聲呼之
動地似昆陽之役舉百萬於一覆予亦為之股慄毛
聳索氣側足夜拊榻而九徙晝命龜而三卜蓋三日
而後息也父老來言酒漿羅列勞來僮僕懼定而說
理草木之既偃輯軒檻之已折補茅屋之罅漏塞墻
垣之隤缺已而山林寂然海波不興動者自止鳴者
自停湛天宇之蒼蒼流孤月之熒熒忽悟且嘆莫知
所營嗚呼小大出於相形憂喜因於相遇昔之飄然
者若為巨耶吹萬不同果足師耶蟻之緣也吹則墜

動之集也呵則舉夫噓呵曾不能以振物而施之
垂則甚懼鵬水擊而三千搏扶搖而九萬彼視吾之
端慄亦尔汝之相莞均大塊之噫氣奚巨細之足憐
陋耳目之不廣為外物之所變且夫萬象起滅衆慄
耀眩求髣髴於過耳視空中之飛電則向之所謂可
懼者實耶虛耶惜吾知之晚也

思子臺賦

予先君官師之友史君諱經臣字彥輔眉山人
與其弟沆子凝皆奇士博學能文慕李文饒之
為人而舉其議論彥輔舉賢良不中第子凝以

進士得官止著作佐郎皆早死且無子有文數
百篇皆亡之子少時常見彦輔所作思子臺賦
上援秦皇下逮晉惠反復哀切有補於世蓋記
其意而亡其辭乃命過作補亡之篇庶幾君子
猶得見斯人胸懷髮鬢也

客有自蜀遊梁僚闕而東覽河華之形勝兮訪秦漢
之遺宮得歸然之頽基兮並湖城之西墉弔漢武之
暴怒兮悼戾園之閔凶聞父老之哀歎兮猶有歸來
望思之遺恫吁大臺之說頽兮實咀毒而銜鋒敗趙
於僂仰兮又将覆刘氏之宗問漢武之多忌兮謂

左右之比皆我殺陽石而未厭兮又瘞禍於宮中怙君
王之好殺子視人命猶昆蟲死者幾何人兮豈問骨
肉與王公惑狂傳之淺謀兮不忍忿忿而殺克上曾
不鑒予之無聊兮實有豕心負此名而欲亡兮天下
其孰吾容苟追死於泉鳩兮冀稍久而自理遘大患
於倉猝兮懷孤憤於未已念君老而孰圖兮嗟肉食
其多鄙獨三老與千秋兮懷愛君之眷眷犯雷霆之
方怒兮消積禍於一言既沉寃之無告兮戮讒人其
已晚幸曾孫之無恙兮或慰夫九原雖築臺其何救
兮固知已矣之不諫魂悠悠乎其歸來兮蓋庶幾於

復見也昔秦之亡也禍始於扶蘇眇斯高之羸豕兮
視其君猶乳虎曾續息之未定兮乃敢探其穴而嚼
其雛在晉四世有君不惠孽婦晨雉疆王定制惟愍
懷之遭離兮實追蹤於漢戾顧孱后之何知兮亦號
呼於既逝寫餘哀於江陵兮發故臣之幽契仍築臺
以望思兮蓋援武以自例嗚呼噫嘻可弔而不可哂
兮亦各其子也彼茂陵之雄傑兮係九戎而鞭百蠻
笑堯禹而陋湯武兮蓋將與黃帝俱仙及其失道於幾
微兮狐鬼生於左臂如嬰兒之未孩兮易耳目而不
知其泉咫尺而不通兮與武乾其何異既上配於秦

又下比於晉惠君子是以知狂聖之本同而感
明之不可恃也覽觀古初孰哲孰愚皆知指笑乎前
人而莫知後之視予方漢武之盛也肯自比於驪山
之朽骨而况於金墉之獨夫乎自今觀之三后一律
皆以信讒而殺子暱姦而敗國吾築臺以寄哀信同
名而齊實彼昏庸者固不足告也吾將以為明王之
龜策自建元以來張湯主父偃之流典兩丞相三長
史之徒皆以無罪而夷滅一言以就誅曾無興哀於
既往一洗其無辜獨於據也悲歌慷慨泣涕躊躇嗚
呼哀哉莫有以楚靈王之言告者曰人之愛其子也

亦如予乎天道好還以德為符惟孟德之鷲忍考亦嗜殺以為娛彼楊公之愛脩考豈減吾之蒼舒恨元化之不可作考然後知胤輩之果無同舐犢於晚歲考又何怨於老臞吾將以嗜殺為戒也故於未而并書

延和殿奏新樂賦成德之老來奏新樂

皇帝踐阼之三載也治道旁達王功告成御延和之高拱奏元祐之新聲翕然便坐之前初觀擊拊允也德音之作皆效和平自昔鍾律不調工師失職鄭衛之聲既盛雅頌之音殆息時有作者僅存遺則於魏

夫樂今變在漢則河間王德俾後世之有考考人之用力時移事改嗟制作之各殊昔是今非知高下之孰得爰有耆德適丁盛時以謂樂之作也臣嘗學之顧近世之所用校古人而失宜峴下朴律猶有太高之弊瓊改照尺不知同失於斯是用稽周官之舊法而均其分寸驗太府之見尺而審其毫釐鑄器而成庶幾改數以正度具書以蔽孰謂體知而無師時惟帝俞眷茲元老雖退身而安逸未忘心於論討鏗然鍾磬之調適燦然虞業之華好聊即便安之所奏黃鍾而歌大成行詠文明之章薦英祖而享神考

尔乃停法部之役而衆工莫與肄太常之業而近臣
必陪天聽聰明而下就時風和協以徐回歌曲既登
將歎貫珠之美韶音可合庶觀儀鳳之來斯蓋世格
文明俗躋仁壽天地之和既應金石之樂可奏延英
旁矚念故老之不来講武前臨消群慝之交構然則
律制既立治功日新號令皆發而中節磬筦無聞於
奪倫上以導和氣於宮掖下以胥悅豫於臣隣以清
濁任意而相譏何憂工玉謂宮商各諧而自遂無愧
昔臣嗚呼趙鐸固中於宮商周尺仍分於清濁道款
詳解事資學博儻非夔曠之徒孰能正一代之樂

明君可與為忠言賊

明則知遠能順忠告

臣不難諫君先自明智既審平情偽言可竭其中忠誠
虛心以求覽群心於止水昌言而告恃至信於平衡
君子道大而不回言出而為則事父能孝故可以事
君謀身必忠而况於謀國然而言之雖易聽之實難
論者雖切聞者多惑苟非開懷用善若轉丸之易德
則投人以言有按劍之莫測國有大議入方里詞佞
者莫能自直昧者有所不知雖有智者孰令聽之皎
如日月之照臨罔有遁形之蔽雖復藥石之瞑眩曾
何苦口之疑蓋疑言不聽故確論必行大功可成故

衆患自遠上之人聞危言而不忌下之士推赤心而
無損豈微忠之能致有至明而為本是以伊尹醜有
夏而歸毫大賢固擇所從百里愚於虞而智秦一身
非故相反噫言悅於目前者不見跬步之外論難於
耳順者有以百年而興苟其聰明蔽於嗜好智慮弱
於愛憎因其所喜而為善雖有願忠而孰能心苟無
邪既坐瞻於百里人思其效將或錫之十朋彼非謂
之賢而欲遠知其忠而莫受目有昧則視白為黑心
有蔽則以薄為厚遂使諛臣乘隙以彙進智士知微
而出走仲尼不諫懼將困於婦言叔孫詭辭畏不免

不遠古故明王審遜志之非道知拂心之謂忠不
其曰之便每要杜稷之功有漢宣之賢充國得盡破
羌之計有魏明之察許允獲仲選吏之公大哉事君
之難非忠何報雖曰伸於知己而無自尊於善道詩
亦云乎哲人順德之行可以受話言之告

快哉此風賦

時與吳彥律舒堯文鄭彥能各賦兩韻子瞻作
第一第五韻占風字為韻餘皆不錄

賢者之樂快哉此風雖庶民之不共眷佳客以攸同
穆如其來既偃小人之德颯然而至豈獨大王之權

若夫鷄退宋都之上雲飛泗水之湄
窳窳南郭怒號於萬竅颯颯東海
鼓舞於四維固以陋晉人一呷之
小笑玉川兩腋之卑野馬相吹搏
羽毛於汗漫應龍所處作鱗甲以
參差

復改科賦

新天子兮繼體承乾老相國兮更張孰先
憫科場之積弊復詩賦以求賢探經義之淵源
是非紛若考辭章之嚴律去取昭然原夫詩
之作也始於虞舜之朝賦之興也本自兩京
之世迤邐陳齊之代綿邈隋唐之齋故遺人
徇路為察治之本歷代用之為取士之

制近古不易高風未替祖宗百年而用此號曰得
朝之一日而革之不勝其弊謂專門足以造聖域謂
變古足以為大儒事吟哦者皆童子為彫篆者非壯
夫殊不知採撫英華也簇之如錦繡較量輕重也等
之如錙銖韻韻合聲聯聯貫珠稽諸古其來尚矣考
諸舊不亦宜乎特令可畏之後生心潛六義佇見太
成之君子名振三都莫不吟詠五字之章鋪陳八韻
之旨字應周天之日兮運而無積句合一歲之月兮
終而復始過之者成疣贅之患不及者貽缺折之毀
曲盡古人之意乃全天下之美遭逢日月忻歡者諸

予百家抖擻歷圖快活者九經三史議夫賦曷可已
義何足非彼文辭泛濫也無所統紀此聲律切當也
有所指歸巧拙由一字之可見美惡混千人而莫違
正方圓者必藉於繩墨定槩括者必在於樞機所以
不用孔門惜揚雄之未達其逢漢帝嘉司馬之知微
噫昔元豐之新經未頒臨川之字說不作止戈為武
考曾試於京國通天為王兮必舒於禁籥孰不能成
始咸終誰不道或詳或略秋闈較藝終期李廣之雙
鵝紫殿唱名果中祢衡之一鶚大凡法既久而必弊
士貽患而益深謂罷於開封則遠方之隘者空自韞

主取諸太學則不肖之富者私於懷金錐負凌雲
志未酬題柱之心三舍既興賄賂公行於庠序一年
為限孤寒半老於山林自是憤愧者莫不顰眉公正
者為之切齒思罷者而未免欲改之而未止羽翼成
南山之父謳歌歸吾之君子諫必行言必聽焉此道
飄飄而復起

東坡續集卷第四

書簡

與李方叔四首

久不奉書問為愧迺中辱手書勞勉益厚無狀何功
致足下拳拳之不忘知此比日起居何如今歲暑毒
十倍常年雨晝夜不止病夫氣息而已想足下閉門
著述自有樂事間從諸英唱和談論此可羨也何時
得會合惟萬萬自重不宣

又

秋試時不審從吉未若可下文字須望鼎甲之捷也

負
手
一
目

暑中既不飲酒無緣作字時有一二輒為人取去無
以塞好事之意亦不願足下如此僻好也近獲一銅
鏡如漆色光明冷徹背有銘云漢有善銅出白陽取
為鏡清如明左龍右虎補之字體雜篆隸真漢時字
也白陽不知所在豈南陽白水陽乎如字應作而字
使耳左月右日皆未甚曉更闕為考之

又

頃年於稠人中驟得張秦黃晁及方叔履常意謂天
不愛寶其獲蓋未艾也比來經涉世故問關四方更
欲求其似邈不可得以此知人決不徒出不有立於

先必有覺於後也如方叔飄然布衣亦幾不免漢
少將又安所獲罪遂斷棄其命言之何益付之清議
而已憂患雖已過更宜慎口以安晚節

又

承示喻長安君偶患臂痛不能舉某於錢塘武朝議
處傳得一方云其初本施渥寺丞者因寓居京師
水巷見乞兒兩足拳捺屐子行渥嘗以飲食錢物遺
之九期年不衰尋赴任數年而還復飽曩居則乞兒
已不見矣一日見於相國寺前行走如飛渥就問之
則曰遇人傳兩藥方服一料已能走耳服之立効其

後已傳數人皆神妙但手足上疾皆可服不拘男子
婦人秘之秘之其方元只是王氏博濟方中方但人
不知耳博濟誤以虎脰為虎腦便請長安君合服必
驗朝雲者死於惠州久矣別後學書頗有楷法亦學
佛法臨去誦六如偈以絕壘之惠州棲禪寺僧作亭
覆之榜曰六如亭最荷夫人垂顧故詳及之

與陳公密三首

途中喜見令子得聞動止之詳繼領專使手書且審
即相尊體清勝感慰無量差借白直兜乘擔索一一
仰煩神用孤旅獲濟荷德之心未易云喻來日晚方

達家里即如所教出陸至南華南華留半日即遣
下一區區預深欣躍

又

行役艱羈託庇以濟分貺卅劑極其衰疾此意豈可
忘哉其餘言謝真盡令子昆仲比辱書示未暇修書
俾息悚息曹三班庶幹非常遠送愧感二絕句發一
笑

又

窮途棲屑獲見君子開懷抵掌為樂未央公既王事
靡寧某亦歸心所薄忽遽就別如何可言別後亟辱

惠書詞旨增重且審起居住勝感慰深矣某已度嶺
已脫問鵬之憂行有見蝎之喜但遠德惘惘未忘于
情親春係練以需驛召

與徐仲車

昨日既蒙言贈今日又荷心送益然有得載之而南
矣辱手教極甚厚愛孔子所謂忠焉能勿誨乎當書
諸紳寢食不忘也

與吳秀才

某啓相聞久矣獨未得披寫相盡常若有所負罪廢
滿落屏迹如野初不意舟從便道有失修敬不謂過

予衡冒大熱間關榛莽曲賜臨顧一見灑然遂見
空之懽典刑所鍾既深歎仰而大篇璀璨健論抑揚
蓋自去中州未始得此勝侶也欽佩俯求衰晚何以
為對送別堤下恍然如夢覺陳迹具存豈有所遇而
然耶留示珠玉正快如九鼎之珍徒咀嚼一齋宛轉
而不忍下咽也未知舟從定作幾日計早晚過金陵
當得欵奉

與彥正判官

古琴當與響泉韻磬並為當世之寶而鏗金瑟瑟
象輟惠報賜之間赧汗不已又不敢遠逆來意謹當

傳示子孫永以為好也然某素不解彈適紀老狂道
見過令其侍者快作數曲拂歷鏗然正如若人之語
也試以一偈問之若言琴上有琴聲放在匣中何不
鳴若言聲在指頭上何不於君指上聽錄以奉呈以
發千里一笑也寄惠佳紙名舜重煩厚意一一捧領
訖感悖不已適有少冗書不周謹

與毛澤民推官二首

公素人來得書累幅既聞起居之詳又獲新詩一篇
及公素寄示雙石記居夷久矣不意復聞韶濩之餘
音喜慰之極無以云喻又廢筆硯不敢繼和必識此

意會合無期臨書惘惘秋暑萬萬以時自厚

萬居粗遣本帶一幼子來今者長子又授韶州仁化
令冬中當挈家至此某已買得數畝地在白鶴峯上
古白鶴觀基也已令斫木陶瓦作屋三十許間今冬
成去七十無幾矧未必能至耶更欲何之以此神氣
粗定他更無足為故人念者聖主方設科求宏詞公
儻有意乎

又

新君在大江上風雲百變足娛老人也有一書齋名
思無邪閑知之寄示奇茗亟精而豐南來未始得也

亦時復有山僧逸民可與同賞此外但緘而藏之耳
佩荷厚意永以為好秋興之作迨配騷人矣不肖何
足以窺其粗遇不遇自有定數然非厄窮無聊何以
發此竒思以自表於世耶敬佩來貺傳之知音感愧
之極數日適苦壅嗽殆不可堪強作報滅裂死罪

與陳輔之

承啓昨日承訪及病重不及起見愧仰深矣熱甚起
君何如萬里海表不死歸宿田里得疾遂有不起之
憂豈非命耶若得少駐復與故人一笑此又望外也
力疾書此數字

與溫公

春來景仁夫自洛還復辱賜教副以超然雄篇喜甚
累日尋以出京無暇比到官隨分紛紜久稽裁謝棟
怍無已比日不審台候何如某強顏忝竊中所愧於
左右者多矣未涯瞻奉惟冀為國自重謹奉啓問
某再啓超然之作不惟不肖附託以為寵遂使東方
陋州為不朽之盛事然所以獎與則過矣久不見公
新文忽領獨樂園記誦味不已輒不自揆作一詩聊
發一笑耳彭城嘉山水魚蟹爭訟寂然盜賊衰少聊
可藏拙但朋遊闊遠舍弟非久赴任益岑寂矣謫居

窮僻如在井底者不知京洛之耗不審迹日寢食何如某以愚暗獲罪咎自己招無足言者但波及左右為恨殊深雖高風偉度非此細故所能塵垢然某思之不啻芒背爾寓居去江無十步風濤烟雨曉夕百變江南諸山在几席此幸未始有也雖有窘乏之憂亦布褐藜藿而已瞻晤無期臨書惘然伏乞以特善加調護

與魯直二首

晁若寄騷細看甚奇信其家多異材耶然有少意欲魯直以已意微箴之九人文字務使平和至足餘溢

為奇恠蓋出於不得已爾是又奇恠似差早然不可道云耳非謂其諱也恐傷其邁往之氣當為朋友講磨之語乃宜不知公謂然否

又

某啓方惠州遣人致所惠書承中塗相見尋候甚安即日想已達黔中不審起居何似云大率似長以審爾亦不甚惡也惠州久已安之矣度黔亦無不可處之道如聞行囊中無一錢塗中頗有好事者能相濟給否某雖未至此然亦凜凜然水到渠成不煩預憂但數日苦痔病百藥不瘳遂斷肉菜五味日食淡麪

兩椀胡麻茯苓抄數盃其戒又嚴於魯直但未能作文自誓且日戒一日庶幾能終之非特愈痔所得多矣子由得書甚能有益於枯槁也文潜在南極安少游謫居甚自得淳甫亦然皆可喜獨元老奄忽為之流涕病劇久矣想非由遠適也幽絕書問難繼惟格萬保重不宣

有姪婿王即名庠滎州人文行皆超然筆力有餘出語不凡可收為吾黨也自蜀遣人來惠云魯直在黔決當往見求書為先容嘉其有奇操故為作書然舊聞夫夫人多病未易遠去謾為一言眉山有在道

者亦奇士文益老王即蓋師之此兩人者有致窮之具而與不肖為親又欲往求曾直其窮殆未易療也

與陳傳道五首

某啓久不接奉思仰不可言辱專人以書為貺禮意兼重捧領惕然且審比來起君佳勝某以衰病難於供職故堅乞一閑郡不謂更得煩劇然已得請不敢更有所擇但有廢曠不治之憂耳而來書乃有遇不遇之說甚非所以安全不肖也某凡百無取入為侍從繼為方面此而不遇復以何者為遇乎來使力告田區區百不盡一乍遠千萬自愛 又

衰朽何取而傳道昆弟過聽相厚如此數日前屢當
詩告自徐來宋相別王八子安借來方同舟不信宿
而歸久承傳道亦欲至靈壁以部役沂上不果佩荷
此意何時敢忘又承以近詩一冊為賜筆老而思深
斲配古人非求合於世俗者也幸甚幸甚錢塘詩皆
率然信筆一一煩收錄祇以暴其短耳

又

某方病市人逐利好刊某拙文欲毀其板矧欲更令
人刊邪當俟稍暇盡取舊詩文存其不甚惡者為一
集以公過取其言當令錄一本奉寄今所示者不惟

有脫誤其間亦有他人文也知日課一詩甚善此技
雖高才非甚習不能工也聖俞昔嘗如此某近絕不
作詩蓋有以非面莫究獨神道碑墓誌數篇爾碑蓋
被自作而誌文以景仁夾世契不得辭欲寫呈文多
無暇聞都下已刊板想即見之也某頃伴虜使頗能
誦某文以此知虜中皆有中原文字故為此碑謂當公
碑也
欲使虜知通好用兵利害之所在也昔年在南京有
問牒此事故終之李公文集引得閑當作向所示集
古文留子由處有書令檢送也 又
久不上問愧負深矣忽枉手訊勞來勤甚夙昔之好

不替有加兼審比來起居住勝感慰兼集新舊諸詩
幸得敬覽不意餘生復見斯作古人日遠俗學衰陋
作者風氣猶存若家伯仲間近見報履常作正字伯
仲介特之操處險益勵時流熟知之者用是占之知
公議少伸耶傳道豈久筦庫者未由面談惟冀厚自
愛重而已

又

來詩欲和數首以速欲發此价故未暇閑居有少述
作何日見公昆仲當出相示宮觀之命已過忝矣此
外夙有歸田為急承見教想識此懷履常未及拜

書因家信道區區

與龐安常

端居靜念思五臟皆止一而腎獨二蓋萬物之所終
始生之所出死之所入故也太玄罔直家首冥罔為
冬直為春蒙為夏首為秋冥復為冬則此理也人之
四支九竅凡兩者皆水屬也兩腎兩足兩外腎兩手
兩目兩鼻皆水之升降出入也手足外腎舊說固與
腎相表裏而鼻與目皆古未之言也豈亦有之而僕
觀書少不見耶以理推之此兩者其液皆鹹非水而
何僕以為不得此理則內丹不成此又未易以筆墨

寃也古人作明目方皆先養腎水而以心火煖之以
脾固之脾氣盛則水不下泄心氣下則水上行水不
下泄而上行目安得不明哉孫思邈用磁石為主而
以朱砂神麩佐之豈此理也夫安常博極群書而善
窮物理當為僕思之是否一報某書

與王敏仲八首

某垂老投荒無復生還之望昨與長子邁訣已處置
後事矣今到海南首當作棺次便作墓仍留手疏與
諸子死即塋於海外庶幾延陵季子贏博之義父既
可施之子子獨不可施之父乎生不挈棺死不扶柩

此亦東坡之家風也此外燕坐寂照而已所云途中
邂逅意謂不如其已所欲言者豈有過此者乎故翻
繆此紙以代面別

某啓得郡既謝即不敢久留故人事有不周方欲奉
啓告別遽辱惠問且審起居佳勝寵逾過實深荷將
惜旦夕遂行益遠萬萬以時自重不宣

羅浮山道士鄧守安字道立山野拙訥然道行過人
庸慮間敬愛之好為勤身濟物之事嘗與某言廣州

一城人好飲鹹苦水春夏疾疫時所損多矣惟官員
吏有力者得飲劉玉山井水貧下何由得惟蒲澗山
有滴水岩水所從來高可引入城蓋二十里以下耳
若於岩下作大石槽以五管大竹續處以麻纏漆塗
之隨地高下直入城中又為一大石槽以受之又以
五管分引散流城中為小石槽以便汲者不過用大
竹萬餘竿及二十里間用葵茆苫蓋大約不過費數
百千可成然須於循州置少良田令歲可得租課五
七千者令歲買大筋竹萬竿作概下廣州以備不住
抽換又須於廣州城中置得小房錢可以日掠二百

興哀悚恐悚恐

此上漏

又

聞遂作管引蒲澗水甚善每竿上須鑽一小眼如粟
豆大以小竹針窒之以驗通塞道遠日久無不塞之
理若無以驗之則一竿之塞輒累百竿矣仍願公擘
畫少錢令歲入五十餘竿竹不住抽換永不廢措言
必不誣也

富公碑詞甚愧不工公更加粉飾豈至是哉舟中病
暑疲倦不謹恕之

又

某再啓林醫遂蒙補授於旅泊處衰病非小補也又
工小兒產科幼累將至且留調理渠欲往謝未令去
也乞不罪治瘴止用薑葱豉三物濃煮熱呷無不効
者而土人不知作豉入此州無黑豆聞五羊頗有之
便乞為致三石得為作豉散飲病者不罪不罪

與鄭靖老二首

某啓到雷州見張君俞首獲公手書累幅欣慰之極
不可云喻到廉廉守乃云公已離邕矣方悵然欲求
聞從者所在少通區區忽得來教釋然又得新詩皆

秀傑語幸甚幸甚別來百罹不可勝言置之不足道
也志林竟未成但草得書傳十三卷甚賴公兩借書
籍檢閱也向不知公所存又不敢帶行封作一籠寄
邁處令訪尋歸納如未有便且寄廣州何道士處已
深囑之必不散墜某留此過中秋或至月末乃行至
北流作竹筏下水歷容滕至梧與邁約令般家至梧
相會中子迨亦至惠矣却雇舟泝賀江而土水陸數
節方至永老業可柰可柰未會間以時自重不宣

又

某見張君俞乃始之公中間亦為小人所摭撫令史

以下固不知退之諱辯也而鄉貳等亦爾耶進退有
命豈此輩所制知公竒偉必不經懷也某鬚髮盡白
然體力元不減舊或不即死聖恩汪洋更一赦或許
歸農則帶月之鋤可以對東也本意專欲歸蜀不知
能遂此計否蜀若不歸即以杭州為佳朱邑有言子
孫奉祠我不如桐鄉之民不肖亦云然外物不可必
當更臨事隨宜但不即死歸田可必也公欲相從於
溪山間想是真誠之願水到渠成亦不須預慮也此
生真同露電豈通把玩耶某頓首

上韓昭文

某啓遠遊旌旆忽已數月改歲緬想台候勝常邊
徂還從者殊勞目望馬首但迂拙動成罪戾恐不能
及見公之還而去耳餘寒伏冀為國自重因奉秘校
行謹奉啓參候不宣

與李延評

某啓經由特原枉訪適以卧病數日及連日會集殊
無少暇治行匆遽不及詣謝明日解維遂爾遙闊豈
勝愧負

與黃敷言二首

某啓疊辱寵訪感慰兼集晚來起居住勝承來晨啓

行以衰疾畏寒不果往別悚怍深矣衝波兩霰萬萬
保練謹令兒子候違不宣

又

少事下煩一書與惠州李念四秀才告為到廣州日
專遣一人達之不罪交代民師且為再三致意某再
拜

與陸固朝奉

某啓久留屬疾不敢造請負愧已深茲者啓行又不
往別悚怍之至謹奉手啓代違

與謝民師推官二首

某啓衰病枯槁百念已忘緇衣之心尚餘此耳蒙
鄒華贈以瑰璋藏之中笥求以為好今日遂行不果
走別愧負千萬謹奉手啓代違

又

某家錄示近報若果的免湖外之行衰羸之幸可勝
言哉此去不住許下則歸陽羨民師還朝受任或相
違得再見幸矣兒子輩並沐寵問及覽所賜過詩何
以克當然句法有以發小子矣感荷感荷旅次不盡

與黃洞秀才二首

某啓經過幸一再見人來辱書甚荷存記無審比來

起居佳勝為慰未由欵奉千萬保壽

又

寄示石刻感愧雅意求書字固不惜但尋常因事燕
筆隨即為人取去今却於此中相識處覓得三紙付
去蓬僊因降致區區之意某再答

與滕達道二十三首

某到此時見荆公甚喜時誦詩說佛也公莫略往一
見和甫否餘非面莫能盡某近到筠見子由他亦得
肯指射近地差遣想今已得替矣吳興風物足慰雅
懷鄙人有賈收耘老者有行義極能詩公擇子厚此

禮皇之某尤與之熟願公時頌慰其半落也近過文
甫公樓徘徊懷想風度不能去某至楚泗間欲入一
文字乞於常州住若幸得請則扁舟謁公有期矣

又

某啓別後不意遽聞國故哀號追慕迄今未已惟公
忠孝體國受恩尤異悲苦之懷必萬常人比日起君
何如某旦夕過江徑往毗陵相去益近時得上問也
為時自重不宣

又

某再啓承差人送到定國書所報未必是實也都下

喜妄傳事而此君又不審乃四月十七日發來却報
至今不說是可疑也一未進退何足道所喜保馬戶
導洛堆梁皆罷茶鹽之類亦有的耗矣二聖之德日
新可賀可賀令子各安勝未及報狀也

又

某啓松老至又辱手書及松老道起居之詳感慰不
可言某留家儀真獨來常以河未通致公見思之深
又有舊約便當往見而家無忙子弟須却還般挈定
若後二日可到也惟深察近日京口時有差除或云
當轉亦未是實計當先起老鎬僕或得連茹耶惠賜

三才盡携婦餉婦矣於松老能道不宣某頓首

又

聞張即已授得發勾春中赴上安道必與之俱來某
若得肯當與之同舟于南窮困之中一段樂事古人
罕有也不知遂此意否秦太虛言公有意拆却道遠
堂橫廊切謂宜且留之想未必爾聊且言之明年見
公當館於此公雅度宏偉欲其軒豁卑意又欲其窮
窅深密也如何不罪四聲可罷之萬一浮沉反為患
也幸深思之不罪

又

某再啓前者惠建茗甚奇醉中裁謝不及悚愧之極
本湖見闕不敢久住遠接人到便行會合邀未有期
不免悵惘舍弟召命蓋虛傳耳君實恩禮既異責望
又重不易不易某舊有獨樂園詩云兒童誦君實走
卒知司馬持此將安歸造物不我捨今日類詩識矣
見報中憲言玉汝右揆當世見在告必知之京東有
幹幸示諭

又

許為置朱紅累子不知曾令作否若得之携以此行
幸甚如不及已亦非急務不罪

又

干求累子已蒙佳惠又為別造朱紅尤為奇少物
意兩重何以當克捧領訖感愧無量舊者昨寄在常
州今予由帶入京俟到不日便持上也

又

鱖魚三百枚黑金碁子一副天麻煎一節聊為土物
不罪浼觸令子思渴允中不及別啓

又

某晚生蒙不鄙與名又令與立字似泐僭易願公自
命却示及作字說乃竊幸也

遂得安道公及張卽書甚安捷子由想已過矣青州
資深相見甚極歡今日赴其盛會閑恐要知

又

屢枉專使感忤無量兼審比來尊體勝常以慰下情
某近絕佳健見教如元素黜罷薄有所悟遂絕此事
仍亦復念方知中有無量樂回顧未絕乃無量苦辱
公厚念故盡以奉聞也晚景若不打疊此事則大錯
雖二十四州鐵打不就矣既欲發一笑且欲少補左
右耳不罪不罪

又

公解印入覲當過岐亭故縣預以書見約輕騎走見
極不難慎勿枉道見過想深識此意乍冷萬乞自重

又

承差人借示李成十幅圖遂得從觀幸甚幸甚且暫
借留令李明者用公所教法試摹看只恐多累筆耳
此本真奇絕月十日後當於徐守處借人贖內令專
要護也

又

某閑廢無所用心專治經書一二年間欲了却論語
書易舍弟亦了却春秋詩雖拙學然自謂頗正古今

之誤粗有益於世。瞑目無憾。往往又笑不會取快活。是猶大餘業。聞令子手筆甚高。見其寫字。想見其人超然者也。

又

某啓。知前事尚未已言。既非實終。當別白。但目前紛紛衆所共悉也。然平生學道。專以待外物之變。非意之來。正須理遣耳。若緣此得暫休逸。乃公之雅意也。黃當江路過往。不絕語言之間。人情難測。不若稱病。不見為良計。二年不知出此。今始行之耳。西事得其詳。雖廢棄未忘為國家慮也。此信的可示其畧否。

善不能盡區區

又

示喻宜甫。夢過於傳。無有某聞見。不廣何足以贊。然冬暖自知。殆未可以前人之有無為證也。自聞此事。而士大夫多異論。意謂中途必一見得相參。扣竟不果。此意衆生流浪火宅。纏繞愛賊。故為飢火所燒。然其間自有燒不著處。一念清淨。便不服食。亦理之常。無足怪者。方其不食。不可強使食。猶其方食。不可強使之不食也。此間何必生異論乎。願公以食不食為旦暮以仕不仕為寒暑。此外默而識之。若以不食為

勝解則與異論者相去無幾矣偶家下問輒此奉廣而已不罪

又

少懇干聞不罪某好携其野飲欲問公求紅朱累子
兩卓二十四隔者極為左右費然遂成藉草之樂為
不淺也有便望頒示悚息悚息某感時氣卧疾逾月
今已全安但幼累更卧尚紛紛也措道人名世昌縣
竹人多藝然可閑攷驗亦足以遣適也留此幾年
與之稍熟恐要知

又

某欲面見一言者蓋為吾濟新法之初輒守偏見至
有異同之論雖此心耿耿歸於憂國而所言差謬必
有中理者今聖德日新衆化大成回視向之所執益
覺踈矣若變志易守以求進取固所不敢若諛諛不
已則憂患愈深公此行尚深示知非靜退意但以老
病衰晚舊臣之心欲一望清光而已如此恐必獲
對公之至意無乃出於此乎輒恃深眷信筆直突干
萬怨之死罪安道公殆是一代異人示諭極慰喜慰
喜

又

某再啓近在揚州入一文字乞常州住如向所面議
若未有報至南都當再一入也承郡事頗煩齊整想
亦期月之勞爾微疾雖無大患然願公無忽之常作
猛獸毒藥血盆膿囊觀乃可勿孤吾黨之望而快群
小之志也情切言盡恕其拙幸甚所有二賦稍晴寫
得寄上次只有近寄潘谷求墨一詩錄呈可以發笑
也衲衣尋得不用更尋累卓感留意悚忤之甚耳予
已拜賜矣北方有幹幸示諭

又

某屏居如昨舍弟子由得安問此外不煩遠念久不

朝觀家此得望見清光想足慰公至意其他無足
者貴者令子各計安勝闕中前急促遠寄必已收得
略示諭

乙

某啓一別十四年流離契闊不謂復得見公執手恍
然不覺涕下風俗日惡忠義寂寥見公使人差增氣
也別來情懷不佳忽得來教甚解鬱鬱且審起居佳
勝為慰某以少事更數日方北去宜興田已問去若
得稍佳者當扁舟徑往觀之遂一至湖見公因所願
然事有可慮者恐未能往也若得請居常則固當

至治下攬撓公數月也未聞惟萬萬為時自重

又

某再啓別論具感知愛之深一一佩刻董田已遣人
去問宜與親情若果爾當乘舟徑往成之然公欲某
到吳興則恐難為不欲盡談唯深察之到南都欲一
狀申禮曹允刊行文字皆先毀板如所教也

又

有監酒高侍禁永康者與之外姻聞亦甚謹幹望累
照麻如察其可以剪拂又幸也

與朱康叔十七首

某啓專使至復領手教契愛愈厚可量感服仍
日起居住勝為慰舍弟已部賤累到此平安皆出餘
庇不煩念及珍惠雙壺遂與子由累醉公之德也隆
著萬萬以時自重行膺殊相人還上謝

又

冷丁婦侍左右日有庭闈之樂恨未際見不敢輒奉
書近見提舉司薦章稍慰與議可喜可喜作墨竹人
近為少閑暇俟死轉求得當續置之呵呵酒極醇美
必是故人特遣下廳也某再拜

又

某再拜近奉書并舍弟書想必達胡掾至領手教具
審起居佳勝兼承以舍弟及賤累至特有厚賜羊麩
酒果一捧頌訖但有慚忤舍弟離此數日來教尋附
洪州迤與之已遷居江上臨華亭甚清曠風晨月夕
杖屨野步酌江水飲之皆公恩庇之餘波想味風義
以慰孤寂尋得去年六月所寫詩一軸寄去以為一
笑酷暑萬乞保練

又

某啓酷暑不可過百事墮廢稍踈上問想不深訝比
日伏想尊履佳勝別乘過郡承賜教及惠新酒到此

新出甕極為珍竒感愧不可言因與二三佳士會
同飲盛德也秋熱更望保練行膺峻陟

又

胡掾與語如公之言佳士佳士渠方寄家齊安時得
與之相見也今予必且盤桓侍下中前示論姒親事
可留示年月日恐求親者欲知之造次造次

又

郭寺丞一書乞指揮送與其人甚有文雅必蒙清顧
也聞其墜馬傷手不至甚乎

某啓因循稍踈上問不審近日尊候何如某家庇如

昨秋色益佳郡事稀少想有遊樂無緣展奉但積思
念乍冷萬莫以時自重

又

某啓近附黃岡縣遞拜書必達專人過以領手教具
審起居佳勝妻冷此歲行盡會合何時以增悵然唯
祈善保敷文宅計此月末方離陳南河淺澁想五六
月間方到此荷公憂恤之深其家固貧甚然鄉中亦
有一小莊子且隨分過也歸老之說恐未能如雅志
又修理積弊已就倫次監司朝廷豈有遽令放閑
所欠物食天漸熱難久停恐空煩費也每味亦不若

食既忝雅契自當一一奉白

又

示諭親情事專在下懷然此中殊少士族若有所得
當立二聞也寫字俟少閑續納上墨竹如可尊意當
取次致左右畫者在此不遠必可求也呵呵

某啓近至察推至辱書承起居佳勝方欲裁謝又枉
教勒益增感愧數日來偶傷風百事皆廢今日微減
尚未有力區區之懷未能盡也乍暄惟冀以時珍攝
稱健當別上問次

又

閣名久思未獲佳者更乞詳閣之所向及側近故事
迹為幸董義夫相聚多日甚歡未嘗一日不談公美
也舊好誦陶潛歸去來嘗患其不入音律近輒微加
增損作般涉調峭遍雖微改其詞而不改其意請以
文選及本傳考之方知字字皆非創入也謹小楷一
本寄上却求為書拋磚之謂也亦請錄一本與元弼
為病勸不及別作書也數日前飲醉後作頑石亂篠
一紙私甚惜之念公篤好故以奉獻幸檢至

又

令子必在右右計安勝不敢奉書舍弟已到官傳聞

錫州大水城內文餘不知虛的也屏贊硯銘無用之
物公好事之過不敢不寫裝成送去乞一覽以事不
免上千聞有潘原秀才以買僕事被禁某與其兄潘
丙解元至熟最有文行原自是佳士有舉業望賜全
庇暑月得早出為此人父母皆篤老聞之憂恐萬端
公以仁孝名世能哀之否恃舊于瀆不敢逃罪天覺
出監之作本以為公家寶而公乃輕以與人謹收藏
以鎮篋笥然尋常不擬以亂道塵獻想公亦隨手持
與人耳呵呵

又

東坡續集卷之四
某啓武昌傳到手教繼辱專使墮簡感服併深比日
尊體佳勝節物清和江山秀美府事整辦日有勝遊
恨不得陪從耳雙壺珍饈一洗旅愁甚幸甚
佳果
收藏有法可愛可愛拙疾乍到不諳土風所致今已
復常矣子由尚未到真寸步千里也未由展奉尚冀
以時自重

又

與可船旦夕到此為之泫然想公亦耳子由到北頃
留也住五七日恐知之前曾錄國史補一紙不知到
否因書畧示諭生細酒四器正濟所乏珍感生酒暑

中不易調停極清然閱仲叔不以口腹累人某每蒙
公眷念遠致珍物勞人重費豈不肖所安耶所問凌
翠至今虛位雲乃權發遣耳何足掛齒牙呵呵馮君
方想如所諭極煩留念又蒙傳示秘訣何以當以寒
月得眠當試之天覺亦不得書此君信意簡率乃其
常態未可以踈數為厚薄也酒法是用菜豆為麩者
耶亦曾見說來不曾錄得方如果佳錄示亦幸

又

疊蒙寄惠酒醋麩等一一收檢愧荷不可言不得即
時裁謝想仁明必能恕察老媳婦得疾初不輕今已

安矣不煩留念食隔已納武昌吳尉處矣適少冗不敢稽留來使少間別奉狀次

又

見天覺書中言當世云馮君有一學服朱砂法甚奇惟康叔可以得之不知曾得未若果得不知能見傳否想於不肖不惜也

又

今日偶讀國史見杜羔一事頗與公相類嗟嘆不足故書以奉寄然幸勿示人恐有嫌者江令乃爾深可罪然猶望公憐其才短不逮而已屢有干瀆蒙不怪

幸甚其令章憲今日恐到此知之

杜羔有至性其父河北一尉而卒母非嫡姪亂不知所之會堂兄兼為澤潞判官嘗鞠獄於私第有老婦辯對見羔出入竊語人曰此少年狀類吾夫訊之乃羔母也自此迎侍而歸又往訪先人之墓邑中故老已盡不知所在館於佛寺日夜悲泣忽視屋柱煤煙之下見數行字拂而視之乃父遺迹云我子孫若求吾墓當於某村家問之羔哭而往果有老父年八十餘指其丘壠因得歸葬羔官至二部尚書致仕此出唐李

肇國史補近偶觀書歎其事頗與朱康叔相似
因書以遺之元豐三年九月二十五日記

又

近日隨例紛冗有疎上問不審起居何如兩日來武昌如聞公在告何也豈尊候小不佳乎無由躬問左右但有馳系冬深寒澁尤宜慎護

又

章質夫求琵琶詞詞不敢不寄呈安行言有一既濟鼎樣在公處若鑄造時幸亦見為作一枚不用甚大者不罪不罪前日人還曾附古木叢竹兩紙必已到

命已寫得經藏碑附上令于推官待下計矣勝何時
赴任未敢拜書也

與胡深夫五首

某啓自聞下車日欲作書紛冗衰病因循至今疊辱
書誨感愧交集比日起居住勝未緣瞻奉伏望以時
保練

又

不到聲聲想勞神用浙西數郡倒被淫雨颶風之患
而秀之官吏獨以為無災以故紛紛至此公下車倍
加綏撫不惜高價廣糴以為嗣歲之備憲司行文欲

收糴米此最良策而推戶專十所不樂故妄造言語
聰明所照必不搖也病中手字不謹

又

某又與周知錄兄弟遊其文行才器實有過人不辛
遭喪生計索然未能東歸九江託迹治下竊謂仁明
必有以安之不在多言今託柳冷答白冗中不盡區
區

又

為霖之政光絕前後君復為僚可喜舡新新輟借知
之冗中不一

又

某以衰病紛冗裁書不謹惟恕察王京兆因會幸致
區區又不發都下朋舊書必不罪也

與朱行中舍人四首

某啓別後兩奉狀想一一聞達比日履茲春和台候
勝常某留滯贛上以待春水至此月末乃發瞻望惋
悵南海雖外然雅量固有以處之矣詩酒之樂恨不
日陪接也更莫若時為國保練不宣某再拜

又

某已得舟尚在贛石之下若月末不至當乘小舟往

統之買公用人以節級持所費錢竄去又以疾疫氣多死亡以此求還亦官無用多人故悉遣回皆以指揮嚴切甚得力乞知之適少冗馳問不盡區區某再拜

又

少事不當上煩東莞資福長老祖堂者建五百羅漢閣極完麗營之十年今成矣某近為作記公必見之塗中為告文安國篆額甚妙今封附去人公若欲觀雖開不防却乞差一公人賞附祖堂者不罪某再拜

又

某啓蒙眷厚借搬行李人感愧不在言也但節級朱五者無狀侵漁不已又遂竄去林聰者又毆平人幾死見禁幸所毆者此中多言於法有礙不可帶去故輒漸安決不死耳謀凌云得明公書令某遣還多難畏事想必識此心也買公用人於法無礙故仍舊帶去此二十餘人皆謹力不作過望不賜罪窮途作事皆此類慙忤不可言得二座船不失所幸不貽念陋句數首端欲發一笑耳某再拜

與李之儀五首

某年六十五矣體力毛髮正與年相稱或得復與公

相見亦未可知已前者皆夢已後者獨非夢乎置之
不足道也所喜者在海南了得易書論語傳數十卷
似有益於骨朽後人耳目也少游遂卒於道路哀哉
痛哉世豈復有斯人乎端叔亦老矣迨云鬢髮已皓
然然顏極丹且渥僕亦正如此各宜闕齋庶幾復見
也兕姪輩在治下頗與教督一書辛送與某大醉中
不成字不罪不罪

又

某啓契闊八年豈謂復有見日漸近中原辱書尤數
喜出望外比日起居佳勝某已得舟快歸許如所教

長子邁遽捨字深以為恨報除輦運似亦不無近
日除目時有如人所料者此後端叔必已信安矣但老
境少安餘皆不足道乍熱萬萬以時自愛某再拜

又

某以囊裝罄盡而子由亦久困無餘故欲就食淮浙
已而深念老境知有幾日不可復作兩處又得子由
書及見教語尤切已快歸許下矣但須少留儀真令
兒子往宜興割制變轉往還須月餘約至許下已七
月矣去歲在廬州託孫叔靜寄書及小詩達否叔靜
雲端叔一生坎軻晚節益牢落正賴魚軒賢德能委

曲相順適以忘百憂此豈細事不爾人生豈復有佳
味乎叔靜相交想得其詳故輒以奉慶忝契不罪

又

近孫叔靜奉書遠適得達否比來尊體如何眷聚各
安勝某蒙恩領真祠世間羨仕復有過此者乎伏惟
君恩之重不可量數遙知朋友為我喜而不寐也今
已到虔即往淮浙間居處多在毗陵也子由聞已歸
許秉燭相對非夢而何一書乞便與餘惟萬萬自愛
某再拜

又

某嘗辱書多矣無不達者然不二答非特衰病猶
之過實以罪垢深重不忍更以無益寒温之間玷累
知交然竟不免累公慚負不可言七日承已赴穎昌
伏惟起居佳勝眷聚各安慶某移永州過五羊度大
庾至吉出陸由長沙至求荷叔靜挈舟相送數十里
大江中作此書上問無他祝惟保愛之外酌酒與婦
飲尚勝俗侶對梅二丈詩云耳

與馮祖仁四首

某慰疏言伏承艱疲退居久矣日月逾邁衰痛理極
未嘗獲陳區區少解思慕萬一實以漂寓窮荒人事

斷絕非敢慢也。比辱手疏，且審孝履，支持聊然，愈遠追慟，何及。伏冀俯禮適變，寬中強食，謹奉慰疏，不次。

又

蒙示長牋，粲然累幅，光彩下燭，衰朽增華。但以未拜告命，不敢具啓。荅謝感恻，不可言喻。老瘁不復疇昔，但偶未死，爾水道間，閉寸進更二十餘日，方至曲江。首當詣宇下，區區非面不既，乏人寫大狀，不罪手拙，簡畧不次。

又

昨日辱遠，逐喜慰難，名客散已，夜不能造門，蚤來又

聞已走松楸，未敢上謁，領手教愧悚無地。至節想惟孝思難堪，奈何。來日當往謁慰節辰，蒙惠羊邊酒壺，仁者之餽，謹以薦先，感佩不可言也。

又

兩日不果詣見，伏計孝履如宜。欲告借前日盛會，包予厨人，一日告白朝散，絕早遣至，不罪不罪。家人輩欲遊南山，祖仁若無事，可能同到彼閑行否。

與黃師是

行計屢改，近者幼累舟中，皆伏暑自愍。一年在道路矣，不堪復入汴出陸。又聞子由亦窘用，不忍更以三

有指諉之已決意旦夕渡江過昆陵矣荷憂愛至深
故及之子由一書政為報此事乞蚤與達之塵埃風
葉滿室隨掃隨有然不可廢掃以為賢於不掃也若
知本無一物又何加焉有詩錄呈簾卷窓穿戶不為
隙塵風葉任縱橫幽人睡足誰呼覺欹枕牀前有月
明一笑一笑某再拜

與廣西憲曹司勳五首

某啓奉別忽二載奔走南北不暇附書申問子由轉
附到大門冬煎故人於我至矣日夜服食幾月遂盡
之到惠州又適中領手書懶廢已放不即裁謝死罪

死罪

又一云與林天和

某啓專人辱書仰服眷厚仍審比來起居清勝至慰
至慰長子未得耗小兒數日前往河源獨幹築室極
為勞冤承惠牙蕉數品有未嘗識者幸得徧嘗感愧
不已忽忽奉謝

又

某啓數日稍清冷伏惟起居佳勝構架之勞殊少休
暇思企清論日積滯念尚冀保衛區區之至因吳子
野行附啓不宣

又

某啓專人至賜教累幅慰拊周至且審比來起居佳
勝感慰兼至某得罪幾年矣愚陋貪生輒緣聖主
寬貸之慈灰心搗形以盡天年即目殊健也公別後
微疾盡去想今益康佳養生亦無他術安寢無念神
氣自復知呂公讀華嚴有得固所望於斯人也居閑
偶念一事非吾子方莫可告者故崇儀陳侯忠勇絕
世死非其罪廟食西路威靈肅然願公與程之邵議
之或同一削乞載祀典使此侯英魄少信眉於地中
如何如何然慎勿令人知不肖有言也陳侯有一子

在萬壽白首頗有立知之蒙惠奇茗丹砂烏藥鐵
之笑西路洞丁足制交人而近歲綏馭少方殆不可
用願為朝廷執講之此外惟萬萬自重

又

公勸某不作詩又却索近作閑中習氣不免有一二
然未嘗傳出也今錄三首奉呈看畢便毀之切祝示
萬惠州風土差厚山水秀邃食物粗有但少藥耳近
報有永不叙復旨揮正坐穩處亦且任運也子由頗
得書甚安某惟少子隨侍餘皆在宜興見今全是一
行脚僧但喫葷酒肉耳此書以詩只可令之邵一閱

餘人勿視也

與晦夫一云與趙仲脩

某啓辱答教感服風月之約敢不敬諾度公南樓所
謂老子於此興復不淺便當携被往也

與范夢得八首

某啓一別俯仰十五年所喜君子漸用足為吾道之
慶比日起居何如某旦夕南遷後會無期不能無悵
惘也過揚見東平公極安行復見之矣新著必多無
緣借觀為耿耿耳乍暄惟頓候自重因李另秀才行
附啓上問不宣

又

某啓辱教字起居住佳勝郊外路遠不當更煩屈臨可
其寢處耳有事以書垂喻可也界紙望示及來日自
不出只在舟中靜坐惠貺鳳圓感意眷之厚熱甚不
謹

又

某啓辱教承台候康勝為慰得請知幸以未謝尚稽
謁見竦息竦息子功復舊物甚慰眾望來日方往浴
室也人還忽卒不宣

又

某啓不肖所得寡薄惟公愛念以道義相期眷予無
窮既承感戀不可言乍寒不審起居休否某已次陳
橋瞻望益遠惟萬萬以時自重

又

今日謁告不克往見辱教伏承文體佳勝揚君舉家
人服其藥多效亦覺其穩審然近見正定國云張安
道書云曾下踈藥數日不能食又謝之不滿意然不
知果爾否有聞不敢不盡

又

某啓辱手柬且審起居佳勝為慰和篇高絕未與塵

者皆被光華矣幸甚幸甚舊句奇偉試當強勉繼作
忽忽不宣

又

某啓遠遠二年瞻仰為勞辱書承起居佳勝慰喜可
之極比日履此秋涼起居佳勝少選到岸即伏謁以
盡區區

與孫叔靜七首

昨日辱臨願夙昔之好不替有加感嘆深矣屬飲藥
汗後不可以風未即詣謝又枉使旌重增悚惕捧手
教且審尊體佳勝旦夕造謁以究所懷

辱手教伏審晚來起居佳勝惠示珠攬頃所未見非
獨下視沙塘矣應當一笑羊麪酒醋為惠禮意兼厚
敬已拜賜感佩之極

又

前日辱下顧尚未走謝悚息不已捧手教承起居佳
勝卑體尚未清快坐阻談論為悵惘也惠示妙劑及
方獲之幸甚從此衰疾有瘳矣

又

已別瞻企不去心辱手教且審佳勝感慰之極早來

風起舟不敢解故復少留因來淨惠與惠州三道人
語耳無緣重詣臨紙悵悵

又

令子重承訪及不暇往別為愧深矣玆惠菜膳增感
怍也河源藤已領衰疾可恃矣

又

看山人有巢谷者字元修曾應進士武舉皆無成篤
於風義已七十餘矣聞某謫海南徙出萬里來相勞
問至新興病亡官為藁殯錄其遺物於官庫元修有
手家在于中某已使人呼家來迎喪頗助其路費仍

約過永而南當更資之但未到耳旅殯無人照管或
毀壞暴露願公愍其不幸因巡檢至其所特為一言
於彼守令得稍修治其殯常戒主者保護之以須其
子之至則恩及存亡耳死罪死罪

又

去德彌月思仰縈懷比日履此新陽起居增勝行路
百阻至英方再宿矣少留數日此去尤艱閱借舟未
知能達韶否流行坎止輒復任緣不煩深念也後會
未卜惟萬萬為國自重

答劉貢父二首

人歸暫聚復此違異悵惘至今公私紛紛有失職
辱書感怍無昌二字畫妍潔及問來使云尊貌比初下
事時替且澤矣聞之喜甚比來起居想益佳何日歸
覲慰士大夫之望未間萬萬為時自重不宣

又

其乘冒過甚出於素獎然迂拙多忤而處爭地不敢
作久安計况當有以教督之血指汗顏旁觀之誚奈
何奈何舉官之事有司逃失行之罪歸咎於兄清明
在上豈可容此小子何與焉秋冬松暗雖乏近効而
歲計有餘未可棄也默坐反照腹目數息當記別時

語耶
某塔流落江湖晚復叨遇惟公知昭如一日也孤愚
寡與日親高誼謂可求又不謂尚煩藩翰之寄違闕
以來思仰日深辱書教伏審履茲秋涼台候萬福欣
慰之極二聖思治求人如不及公豈久外惟千萬順
時為國自愛

又

自公之西有識日望詔還豈獨契愛之末邊落窳庸
豈豈外哉示喻塔記久不馳納愧恐之極乞以寬
之秋涼下筆也親家柳子良宣德赴潞幕獲在屬
知幸知幸謹奉手塔冗迫不盡區區

又

某啓辱教伏承台候萬福為慰塔記非敢慢蓋供職
數日職事如麻歸即為詞頭所迫率以夜半乃息五
更復起實未有餘暇乞限一月所敢食言者有如河
願公一笑而恕之旦夕當卜一邂逅而別

與李公擇

秋色佳哉想有以為樂人生惟寒食重九悞不可虛
擲四時之變無如此節者近有潮州人寄一物其上

云扶劣膏不言何物狀似羊脂而堅盛竹筒中公識
此物否味其名必佳物也若識之當詳以示可分去
或問習南海者子由近作棲賢僧堂記讀之慘慄覺
崩崖飛瀑逼人寒栗

與姜唐佐秀才六首

某啓特辱遠訪意貺甚重衰朽廢攷何以獲此悚汗
不已經宿起居住佳勝長牋詞義兼美窮陋增光病卧
不能裁荅聊奉手啓

又

某啓昨日辱夜話甚慰孤寂示字承起居安勝奇并

甚惠感服至意當同啜也適睡不即荅悚息某頓首

又

今日霽色尤可喜食已當取天慶觀乳泉發建茶之
精者念非君莫與共之然蚤來市無肉當相與啖菜
飯爾不嫌可只今相過某啓上

又

適寫此簡得來示知巡檢有會更不敢邀請會若散
早可來啜茗否酒麪等承佳惠感愧感愧來旦飯必
如諾十月十五日白

又

某啓別來數辱問訊感忤至意毒暑具喜起居佳勝
堂上嘉慶甚慰所望也知非久適五羊益廣學問以
卒遠業區區之禱此外萬萬自重不宣

又

某已得合浦文字見治裝不過六月初離此只從石
排或澄邁渡海無緣更到瓊會見也此懷甚惘惘因
見貳車畧道下懇有一書至兒子邁處從者往五羊
時為帶去轉託何崇邁附達為幸兒子治裝冗甚未
及奉啓所借烟籬子兩卷吳志四冊會要兩冊並馳納

與傳維巖秘校四首

某啓專人至承不鄙罪廢長歲見及援證古今陳義
甚高伏讀愧感仍審比來起居佳勝至慰至慰守為
海徼淹屈才美然仕無高下但能隨事及物中無所
愧即為達也伏暑萬萬自愛不宣

又

某病裁荅草草不訝知不久美解即獲會見至喜至
喜掩骼之事知甚留意旦夕再遣馮何二士面稟亦
有錢物在二士處此不靚縷曾城荔子一籃附去人
持上不罪不罪某又上

又

某啓遠蒙惠書非眷念之厚何以及此仍審比來起居佳勝感慰兼集老病之餘復此窮獨豈有再見之期尚冀勉進學問以究遠業餘惟萬萬自愛不宣

又

官事有暇得為學不輟否有可與往還者乎此間百事不類海北但杜門面壁而已彼中如有龔藥治病者為致少許此間如蒼木橋皮之類皆不可得但不嫌麤賤為相度致數品不罪不罪

與林天和長官二十三首

某啓進辱手書冗中不果即荅悚息悚息春寒想體

佳勝火後凡百想勞神用勤民之意計不倦也未
能披奉萬萬自愛不宣

又

某啓專人辱書具審起居佳勝為慰春物益妍時復
尋嘗若想亦以兩軫懷也未由往見萬萬若時加攝
不宣

又

小兒往循已數日矣賤累閏月初可到此新居旦夕
畢工承問及感感不已領書又惠筍蕨益用愧刻聞
相度移邑果爾否

某啓辱手教伏承起居佳勝甚慰馳仰承問賤累正
月末已到贛上矣閏月上旬必到此也考室勞費乃
老業也旦夕遷入未由會見萬萬以時自重不宣

又

花木栽感留意惠貺鹿肉尤增慚荷某又上

又

某啓近數奉書想皆達兩後清和起居住佳勝花木悉
佳品又根撥不傷遂成幽居之趣荷雅意無窮未即
商謝為媿耳人還忽忽不宣

又

某啓昨辱訪別尤荷厚眷恨老病龍鍾不果詣達
實多矣經宿起居何如果成行未忘已為民誰知君
者願益進比道譬之農夫不以水旱而廢庶幾也此
外萬萬自愛不宣

又

某啓比日蒸熱體中佳否承惠揚梅感佩之至聞山
薑花欲出錄夢得詩去庶致此饒也呵呵豐樂橋數
步正請假暫歸多日不至敢煩音麾句押送來為幸
草草奉啓不罪

又

某啓人來辱書具審北日尊體佳勝甚慰所望出意
加減秬馬曲盡其用非拊字究心何以得此具白太
年矣乍熱萬萬以時加啻不宣

又

某啓人來辱手教具審起居住佳勝吏民畏愛謠頌布
聞甚慰所望秬馬聊助羨政萬一耳何足云乎承示
諭愧陳之至僧磨已成秋涼當往觀也毒熱萬萬為
民自愛不宣

又

某啓人教承微疾已平起居清勝甚慰馳仰暑雨不
常官事疲勤榭徭為難惟加意節調以時休息為佳
也忽忽不宣

又

某啓多日不奉書思仰之至伏暑尊體何如惠賜荔
子極佳即中絕少得與數客同飲幸甚幸甚未由合
會萬萬以時自愛某再拜

又

某啓辱手教承起居住佳勝久以冗率有闕馳問愧企
深矣承惠龍眼牙蕉皆郡中所乏感作之至未由瞻

奉萬萬以時自重不宣

又

高君一卧遂化深可傷念其家不失所否瘴疫橫流
僵仆者不可勝計奈何奈何某亦旬日之間喪兩女
使謫居牢落又有此狼狽想聞之亦為之憮然也某
再啓

又

某啓近日辱書伏承別後起居佳勝甚慰馳仰數夕
月色清絕恨不同賞想亦對景獨酌而已未即披奉
萬萬日重人還布啓不宣

又

某啓近辱過訪病中恨不欵奉人未枉手教具審起
居佳勝至慰至慰旦夕中秋想復佳風月莫由陪接
增悵仰也乍涼萬萬自重不宣

又

某啓久還奉書必達即候漸涼起居佳否疊煩願旨
感怍交深未緣面謝惟祝若時自重不宣

又

某啓秋高氣爽伏計尊候清勝公字已就想日有佳
思未緣披奉萬萬以時珍奮不宣

又
某啓前日人回裁謝必達比日履茲薄冷起居佳否
未緣展奉但有翹想尚冀保衛區區之至不宣

又
某啓近奉狀知入山未還即日想已還治起居佳否
往來衝冒然勝遊計不為勞也未瞻奉間更乞若時
自重不宣

又
某啓辱書伏承起居佳勝示諭幼累已到誠流寓中
一喜然老穉紛紛口衆食貧向之孤寂未必不佳也

可以一笑蒸鬱未解萬萬以時自重不宣
骨肉遠至重為左右費羊麪鱸魚已拜賜矣感怍之
至

又
某啓從者往還見過皆不欵奉愧仰何勝辱書承起
居清勝間還邑以來老穉鼓舞數日調治想復清暇
矣歲莫萬萬加愛不宣

又
某啓昨日江干解迨未盡所懷來日欲奉屈蚤膳廢
少欵曲闕人不獲躬詣不罪

與張朝請五首

某啓兄弟流落同造治下勞不鄙遺眷待有加感服
高誼悚佩不已別來未幾思仰日深比來起居何如
某已到瓊過海無虞皆託餘庇旦夕西去回望逾遠
後會無期惟萬萬若時自重慰此區區途次裁謝草
草不宣

又

海南風物與治下畧相似至於食物人烟蕭條之甚
去海康遠矣到後杜門默坐喧寂一致也蒙差人津
送亟得力感感舍弟居止處若得蚤成令渠獲一寔

若遺物離人而遊於獨乃公之厚賜也兒子幹事未
暇上狀不罪某上啓

又

某再啓聞已有詔命甚慰輿議想旦夕登途也當別
具賀幅某關人寫啓狀止用手書乞加恕也子由荷
存庇深矣不易一二言謝也新春海上嘯詠之餘有
足樂者島中孤寂春色所不到也某再拜

又

某啓又不上狀想察其衰疾多畏非簡慢也新軍使
來捧教字且審比日起居住勝感慰兼極某到此數

卧病今幸少間久逃空谷日就灰槁而已因書瞻望
又復悵然尚冀若時自厚區區之餘意也不宣

又

新釀四壺開甞如宿昔香味醇冽有京洛之風逐客
何幸得此但舉杯屬影而已海錯亦珍絕此雖島外
人不收此得之又一段奇事也眷意之厚感怍無已

荅漢卿

某啓辱教承起居住勝為慰知不久入城遂當一見
何幸如之地黃煎已領感怍適自局中還熱甚滿塞
奉書地黃煎象寄惠極佳薑蜜之劑甚適宜也仰煩

神用愧感不可言

謝呂龍圖三首

京師

龍圖閣老執事某西蜀之鄙人幼承家訓長知義方
粗識名教遂堅晚節兩登進士舉一中茂才科故嘗
世名公巨卿亦嘗賜其提挈愛憐之意故歐公引之
於其始韓公薦之於其中今又閣下舉之於其後自
惟末學辱大賢者之知出自天幸然君子之心以公
而取士其小人之志終荷恩以歸心但空省循何由
論報比者上以片言隻字謝德於門下而其誠之所
加意有所不能盡意之所至言有所不能宣故其見

於筆舌者止此而已惟高明有以容而亮之

又

前以拙訥上塵聽覽方懼獲罪於門下而無以容其
誅又辱答教言辭款密禮遇優隆而褒揚之句有加
於前日此不肖所以且喜且懼而莫知所措也竊函
已捧受訖謹藏之於家以為子孫之美觀節屋之陋
復生光彩陳根之朽再出英華乃閣下煖然之春有
以燠育成就之故也擇日齋沐再詣館下臨紙澁訥
情不能宣伏惟恕其愚

又

禁久以局事汨沒殊不獲覲止竊惟庶得踈絕之罪
於左右不意寬仁含垢察其俗狀之常情恕其簡
之小過光降書辭曲加勞問拜貺之際益增厚
夕諸賓次盛暑伏惟為朝廷自愛上副注倚之心下
慰輿人之望

與楊濟甫

為別忽已半歲傾想之懷遠而益甚即丁起居何如
貴眷各安下自離家至荆南數次奉書計並聞達前
舟半已至京一行無恙得臘月中所惠書甚慰遠意
見在西岡賃一宅子居住恐要知悉春暄未緣會見

千萬珍重珍重

答王龍圖

辱簡承孝履如宜新詩寵行甚幸但稱道太過非所以安不肖也餘所論謹在意

與楊濟甫鳳翔

奉列二更歲律思渴日深即日履此新春起居多勝貴聚各佳安某前月十四日到鳳翔十五日已交割訖人事紛紛又稽裁問想自尊君襄事後來漸獲閑靜營幹諸事必且濟辦某此與賤累如常今因范元歸奉書聞露氣候漸和更希珍重

與蒲誠之六首

某啓聞軒馬已至多時而性懶作書不因使賫手教來雖有傾渴之心終不能致一字左右也悚愧悚愧盛熱殊不可過承起居佳裕甚喜甚喜某此並無恙京師得信亦安但近得山南書報伯母於六月十日傾背伯父之喪未及一年而災禍仍重如此何以爲心家兄惟三哥在左右大哥二哥必取次一人歸山南謀扶護還鄉也人生患難至有如此極者煩惱煩惱知郡事頗簡足以尋繹舊學也同僚中有可與相處而樂者否新牧倅皆在此常相見恐知悉殘暑更

東坡集卷之四
五十二
真順時珍重

又

近聞負秘丞言聞於誠之韓益州欲令誠之替某若
得情固所喜幸也然某盡今歲方及二年不知朝廷
肯令某成資解去否若必俟三考則於誠之為太淹
緩安用也向經由時甚恨不歛曲今若因此得從容
接奉何喜如之陳文日日見甚安

又

近迹中辱書方欲附問人來又承手教審聞起居住
勝羨慰瞻望新命必已下伏增欣慶苟相知豈必為

交代但奉見稍遠耳承又須歸覲奔波良不易也秋
冷千萬善愛

又

聞車騎已在二曲即見風采喜慰可知冒寒行李不
易及此僻左獲奉清游幸甚也

又

今日比欲更接清話少頃而人事紛紛至今不得暫
息欲奉謁次聞府官盡出接張省遣須至旦出城恐
訝不來走此聞達

又

長安之別忽然改歲伏計履茲新春起居增慶某明日至府謁見預增欣抃然不免有少事干耽為本府帶得接新戎兵士數十人比謂到京却中途逢本官行李頗闕事欲告於貴府添差防護廂軍十餘人昨本有防護二十人為華州減却十人但只依元數亦差較也告早為擘畫某更不住後日絕早發去也恃眷契喋喋喧驥幸為留念

與陽濟甫

冬寒遠想起居住佳勝此去替不兩月更不能歸鄉况入京去愈遠依黯近得王道矩書云朝夕一來此相

答楊濟甫二首除喪還朝

某近領臚下教墨感服眷厚兼審起居佳勝某此與賤累如常舍弟差入貢院更半月可出都下春色已盛但塊然獨處無與為樂所居廳前有小花園課童種菜亦少有佳趣傍宜秋門皆高槐古柳一似山居頗便野性也漸暖惟千萬珍重

又

適中屢得數書知尊体佳勝貴眷久安示及發適引

目契歡得並到但鄉親書皆五六十日不獨濟甫也
府推之命只是暫權發遣更月餘正官到即仍舊管
官誥院也府中冗絆非拙者所樂恐知都下所須示及
與楊濟甫

谷寶月大師二首

久不奉書蓋冗惰相因必未訝也史學秀才及蔡子

華處領來書知法体佳勝此中並安請補外家恩除
杭倅旦夕出京且往陳州相聚至九月初方行愈遠
鄉里局勝依黯累示及瑜隆紫衣師號近為干得王
說駙馬奏瑜為海慧大師文字更旬日方出圖竟經
云法界海慧照了諸相文潞公亦許奏隆紫衣然須
俟來年遇聖節方可奏已差祠部吏人到王駙馬宅
計會瑜師文字終得便入迺次莫更一兩月方得勅
出此事自難得偶成以二事也臨行草草書不盡以
懷惟千萬珍重

又

東坡集卷之四 五十五
吳家寄紙一一愧荷駙馬都尉王晉卿畫山水寒林
冠絕一時非畫工能髣髴得一古松帳子奉寄非吾
見別識不寄去也幸祕藏之亦使蜀中工者見長意
思也他甚珍惜不妄與人

與大覺禪師建公疏伴

人至辱書伏承法候安裕傾向傾向昨奉聞欲捨禪
月羅漢非有他也先君愛此畫私心以為捨施莫如
捨所甚愛而先君所與厚善者莫如公又此畫頗以
靈異累有所覓於夢寐不欲盡談嫌涉恠尔以此益
不欲於俗家收藏意只如此而來書乃見疑欲換金

水羅漢開書不覓失笑近世士風薄惡動有可疑者
謂世外之人猶復尔也請勿復談此某比乏人可令
貴去兵卒之類又不足分付告吾師差一謹幹小師
齋籠杖來迎取并古佛一軸亦同捨也錢塘景物樂
之忘歸舍弟今自陳州得替當授東南幕官冬初恐
到此亦未甚的詩筆計益老健或借得數首一觀良
幸到此亦有拙惡百十首閑暇當錄寄也

答范夢得二首

又以事章不遑奉書深以為愧中間安上處及海中
捧來教兵審起居佳勝某旅宦粗遣春夏間殊少事

近日研竟元坐盜賊獄訟常滿蓋新法方行故也疲
茶無狀館中清佚至為福地然知平日交游皆不在
何以為樂某旬日來被差本州監試得閑二十餘日
在中和堂望海樓閑坐漸覺快適有詩數首寄去以
發一笑

又

又不奉書愧負不可言不審比辰起居住否某此粗
遣但親友踈閑旅懷牢落爾屢得蜀公書知佳健三
家兄書云每去輒留食食倍於我輩此大慶也頻得
公手筆皆詳悉精好富公必時見之聞其似四十
許人信否君實固甚清安得此教公無恙差慰人無心
無緣言面惟順時自愛

與郭功父五首

昨日承顧訪殊慰久闊經夕起居住否某出院本欲
往見以下痢乏力未果想未訝也略奉啓布謝萬一

又

元本闕四字 瞻奉喜慰可量既以不出又數日卧病遂
元本闕五字 起居佳否某下痢雖止尚羸索也謹奉
啓布謝

又

見子婦來別無可為土物御筆一雙賜墨一圭新茶
二餅皆得之大臣家真物也不罪浼瀆

又

辱訪臨感作獨以忽遽為恨迫行不往謝惟寬恕乍
熱萬萬自重

又

別來瞻仰無窮風雪凝寒從者勤矣辱書承起居甚
佳為使者即至必且暫還惟萬萬自重

東坡續集卷第四

